

روايه حكاية حب زهله مجدي

DESIGN BY
MARWA SALAH
FB.COM/MARWA-DESIGN

()

نهله مجدي

تم النشر في ..

دار حكاوى الكتب

FB.HAKAWELKOTOB.COM

تصميم غلاف ..

مرؤه صلاح

DESIGN BY MARWA SALAH
2017



دار حكاوى الكتب

FB.HAKAWELKOTOB.COM

"اهداء"

الى من اعاد لي ثقتي بنفسي

من علمني كيف احلم

من كان لي اخاً وصديقاً

الى استاذي وصديقي

"محمود سيد"

....



دار حكاوي الكتب

FB.HAKAWELKOTOB.COM

اهداء

للبنوته الجميلة صحبتي العسل

الي زعلانه انهم يقولوا الممرضات وحشين

احلى ناس في الدنيا الممرضات ملائكة الرحمة

الى "ايه اسماعيل"

عندما تعشق القلوب.. يذوب الجليد.. تتحول النار لرماد وتُولد

"حكاية حب"



دار حكاوي الكتب

FB.HAKAWELKOTOB.COM

المقدمة

بداخل ذلك المنزل باحدى الاحياء المتوسطة ,الكثير من السيدات يرتدون الملابس السوداء منهم من يجلس صامتاً ومنهم من ظهر الحزن على ملامحه ومنهم من يبكي..يبكي على تلك التي فارقت الحياة في شبابها ,هناك في ذلك الركن البعيد تجلس فتاة في الرابعة عشر من عمرها ترتدي ملابس سوداء ,تجمع شعرها الاسود الكثيف على شكل كعكة ,جفت الدموع من عيناها واحمرت من كثرة البكاء..اليوم فقدت والديها..فقدتهم ولم يعد لها غيرهما..مسحت تلك الدمعه التي انسابت على وجنتها وهي ترى السيدات يرحلون..دخلت الى تلك غرفة والدتها في منزل جدتها..جلست على الفراش تحديق الفراغ الذي امامها..لا تصدق انها اصبحت وحدها..سمعت صوت اشقاء والدتها بالخارج يتحدثون..اقتربت من الباب لتستمع لما



يقولون..سمعت صوت سميحة خالتها الكبرى تقول:وان شاء الله هي
هتعيش فين

اجابتها ماجدة خالتها الاخرى قائلة:اوعوا تفكروا اني ممكن اعيشها
عندي وانتوا عارفين ان جوزي مستواه حساس مقدرش اخليها تقعد
معايا

هتفت سميحة:وانا مستحيل اخليها تعيش وسط ولادي..انتوا ناسين
هي متربية فين؟

تجمدت الدموع في عيناها الزرقاء..لم تستطيع ان تبكي..اصبحت
نظرتها جليدية ,هم يستعرون منها لان والدها كان فقيراً..كان يعمل
سائقاً على سيارة اجرة لكنه كان رجلاً..وهذا ما دفع والدتها للزواج
منه رغم رفض اهلها..حاولت ان تبكي لكن دموعها تجمدت ,بل
تجمدت هي كلياً واخر شئ سمعته هو صوت خالها "ادهم" وهو



يقول بصرامة: خلصت خلاص ضحى هتعيش عندي لحد ما تروح بيت
جوزها...

دار حكاوى الكتب



دار حكاوى الكتب

FB.HAKAWELKOTOB.COM

الفصل الاول

في منزل ليس كبير ولا صغير..تميز باناقة اساسه الحديث..جلس رجل في منتصف الاربعينات ,ملامحه رجولية لكن يظهر عليها ملامح الطيبة ,كان يجلس في غرفة المعيشة عندما اقتربت منه تلك الفتاة في الثالثة والعشرون من عمرها صاحبة العيون السوداء التي اخفتها خلف نظارتها الطيبة والشعر الاسود التي جمعته على شكل ذيل حصان والبشره القمحيه..جلست بجانبه وخلعت نظارتها لتظهر تلك النظرة الجليدية في عينيها وملامحها الباردة برود الثلج..قالت باقتضاب:ازيك ياخالو

ابتسم ادهم قائلاً:الحمدلله يا حبيبتي

في تلك اللحظة جاءت سيدة في منتصف الثلاثينات ترتدي حجاب



دار حكاوي الكتب

FB.HAKAWELKOTOB.COM

طويل وملابس محتشمة قائلة:ضحى كويس انك جيتي اتأخرتي ليه؟

نظرت لها ضحى قائلة:معلش يا ام حبيبة

زفرت عبير بحنق قائلة:اسمي عبيير عبيير سهل اهو

رفعت ضحى احدى حاجبيها فضحك ادهم قائلاً:بذمتك انتي ازاي

مرات خالها دي هي اعقل منك

نظرت له عبير بحنق قائلة:مين قال كدة انا اختها مش مرات خالها

,ثم نظرت لضحى قائلة:ياللا ادخلي غيري هدومك عايزين نوصل قبل

المغرب

هزت ضحى كتفيها قائلة:انا جاهزة

اتسعت عينا عبير وصرخت بتوصل:لاااا متقوليش انك هتروحي كدة

نظرت ضحى لملابسها ورفعت حاجبيها قائلة:وماله كدة!!



دار حكاوي الكتب

FB.HAKAWELKOTOB.COM

كانت ضحى ترتدي بنطال اسود ضيق قليلاً وترتدي ستره شتوية
سوداء ووشاح اسود حول عنقها ,زمت عبير شفيتها قائلة بحنق:لا
مفيش لابسه اسود في اسود ولا كأنك رايحة عزا

نظرت لها ضحى بنظرتها الجليديه وهمست برود:عزا مش عزا برضه
مش هغير هدومي ويالا بقى عشان اليوم ده يعدي

كادت عبير ان تتحدث ولكن قاطعها ادهم قائلاً:خلاص يا بيرو سبيها
براحتها..فين حبيبة

اقتربت منه فتاة في الخامسة عشر من عمرها ملامحها طفولية
وقالت:انا اهو يا بابا

همست ضحى برود:عن اذنكم دقيقة

اسرعت ناحية غرفتها ودخلت واغلقت الباب خلفها..ودخلت الحمام
الذي بغرفتها وخلعت تلك العدسات اللاصقة باللون الاسود ليظهر



لون عينيها مثل لون البحر لكنه متجمد..ارتدت نظارتها الطبية رغم
عدم حاجتها لها لكنها ترتديها لتخفي تلك العيون الضيقة الحاده
ورموشها الكثيفة..خرجت من غرفتها واتجهت نحوها قائلة:ياللا

خرج ادهم من المنزل وخرجوا هم ورائه وهمست لها:انا مش فاهمه
ليه بتحطي اللينسز السودا دي وكمان بتلبسي النظارة

لم تنظر لها ضحى بل همست برود:هو كدة

جزت عبير على اسنانها بغيط قائلة لابنتها حبيبة:البت دي هتجيلي
نقطة

حبيبة:سبيها يا ماما بقى

استقلوا السيارة وانطلق ادهم نحو منزل والدته..وضحى تجهز نفسها
لمقابلة كل اسبوع مع من كانوا السبب في حالتها تلك..



جلست ضحى على المقعد المجاور لخالها في منزل جدتها , كانت تنظر لهم جميعاً برود يثير غيظهم.. لا تتحدث معهم الا اذا وجه لها احدهم الحديث.. كانت تنظر للارض وتحرك اصابعها بهدوء روتيني كما تعودت.. انتبهت لصوت خالتها "سميحة" التي قالت: ايه يا ضحى انتي مخصمانا ولا ايه

نظرت لها ضحى بجليد عينيها الذي يثير خوفهم وقالت برود اثار غيظ خالتها: ابدأً ليه بتقولي كدة

فقالت جدتها بابتسامة زائفه: اصلك يا حبيبتى مش بتسألني على حد فينا ولا بتيجي غير لو ادهم جه وكمان ولا بتضحكي ولا حتى بتتكلمي.. ايه في حاجة مزعلاكي

نقلت ضحى نظرها لجدتها برودها المعتاد فتدخل ابن خالتها ماجدة



دار حكاوي الكتب

FB.HAKAWELKOTOB.COM

"امير" قائلاً: لا يا نانا هي خلقتها كده

نظرت له ضحى بحده جليديه جمده في مكانه وجعلته يبتلع باقي
جملته بخوف واضح.. كان امير يحاول دائماً ان يثير غضبها لكنها كل
مرة تدهشه ببرودها وتلك النظرة التي ترمقه بها تجعله يخاف.. حتى
انه اطلق عليها اسم "لوح الثلج" لانها لا تتحدث ولا تمزح وتضحك ولا
حتى تبتسم فهي مثل لوح الثلج متجمده من الداخل والخارج
,صمتت ضحى ولم تجيب فنظر لها زوج خالتها ماجدة ذلك الرجل
السمج الذي تكرهه بشده بسبب غروره عجرفته.. وجدته يقول
بسماعته المعتادة: وانتى بقى عندك كام سنة دلوقتى يا ضحى اصلك
عارفه شغلي مش مخيني بركز في حاجة خالص

نظرت له ضحى رافعه احدى حاجبيها ولم تجيب فرد عليه ادهم
قائلاً: ضحى عندها 23 سنه خلصت اخر سنة في كلية تمريض



هتفت جدتها بصوت حاد بعض الشيء: وكان لازمته ايه الكلية من
اصله

لم تنظر لها ضحى لكن ادهم هتف بتحذير: ماما وبعدين!!

نهضت جدتها ولحقها ادهم لغرفتها.. اما ضحى فقد امسكت هاتفها
واخذت تعبث به قليلاً, شعرت بانها تريد ان تستنشق بعض
الهواء.. فنهضت متجهه للشرفة ومرت من امام غرفة جدتها لتسمع
صوتها قائلة: انا مش فاهمه هتفضل تصرف عليها لحد امتى.. صممت
تدخلها ثانوية عامه وسكت دخلتها كلية تمريض وبرضه سكت يابني
فلوسك دي بنتك ومراتك اولى بيها..

زفر ادهم قائلاً بضيق: يا ماما دي بنت اختي يعني زي بنتي وبعدين
دي بنت هدى توأمي

هتفت جدتها بضيق: يعني ابوها لو كان عايش كان هيعيشها زي



مانت عيشتها

كانت ضحى تستمع لكل كلمة قالتها جدتها بجمود لكنها لم تبكي فهي
نست ماهي الدموع.. اكملت طريقها للشرفة ووقفت تستمتع بالهواء
البارد وكلمات جدتها تردد في اذنها , نعم هي تكرها بشده.. لم تنسى
يوم وفاة والديها عندما قرر ادهم انها ستعيش معه عندها ثارت
جدتها ورفضت.. لم تنسى جملتها التي حطمت شيئاً ما
بداخلها "فلوسك انت اولى بيها مش هتصرفها على بنت
السواق".. والدها كان يعمل سائقاً لكنه كان حنوناً.. مازالت تتذكر
منزلهم القديم المليئ بالدفئ والحنان.. لم يكن لديهم مالاً لكن
حياتهم كانت رائعة بوجودهم بجانبها.. تنهدت وهي تتذكر وعدها
لوالدها انها ستدخل كلية جيدة.. لم يفرض رأيها عليها لكنه نصحها بان
تدرس ما تحب وهذا ما حدث.. دخلت كلية التمريض لتتول شرف
الاهتمام بالمرضى.. فهو حقا شئ رائع ان تستمع لدعوات من مريض



دار حكاوى الكتب

FB.HAKAWELKOTOB.COM

لمجرد انك اعطيته الدواء ,لولا تشجيع ولاء وادهم لها ما كانت وصلت لما هي فيه الان..ادهم كان حنوناً للغاية لكنه لم يعوضها عن حنان والديها..لم يستطيع ان يذيب الجليد الذي غلف قلبها وروحها ,انتبهت لدخول "حسين" ابن خالتها "سميحة" وشقيقها الذي ارضعته والدتها..لكنه غيرهم جميعا هو طيب القلب لكنها مازالت تتذكر انه ابن "سميحة" من كانت تكره والدتها وتحقد عليها رغم انها شقيقتها..لكن هدى كانت اجمل اخواتها لهذا كانت سميحة تحقد عليها وبشده ,نظرت له ثم اشاحت بوجهها لتحقق في الفراغ الذي امامها..اقترب منها وقال:سرحانه في ايه؟

نظرت له بنظرتها الجليدية قائلة ببرود:عادي

صمت حسين قليلاً وتنهّد بحزن قائلاً:هو انتي ليه كدة؟

لم تتغير نظرتها وهي تهمس ببرود:كدة الي هو ايه؟



حسين:بتكرهينا

استدارت عائدة للداخل وهي تقول ببرود:اسأل امك

عقد حاجبيه وهو يتبعها بعينه وتنهذ محدثاً نفسه قائلاً:المشكلة اني
عارف بس كان نفسي انتي الي تتكلمي وتقولي الي جواكي..ربنا
يهديكي

حل المساء وعادوا الى المنزل..جلست في غرفتها تقرأ احدى كتب
التاريخ ,شردت قليلاً فغداً اول يوم في عملها بالمشفى الخاص لتكمل
سنتي التكليف الاجباري..عادت بظهرها للوراء واستنت على ظهر
الفراش..كانت تفكر في ذلك السؤال الذي سألته حسين لها..ماذا
تكرههم؟..ظهرت السخرية على ملامحها وهي تفكر"بعد كل الي



دار حكاوي الكتب

FB.HAKAWELKOTOB.COM

حصل بيسألني بكرههم ليه؟ دول يحمدوا ربنا اني ببص في وشهم
اصلاً، اغلقت الكتاب الذي بيدها على المكتب برفق.. فهي من النوع
الذي يخشى على كتبها كأنها شئ ثمين.. اغلقت النور واغمضت عيناها
حتى استسلمت للنوم

مر شهر واستقرت ضحى في عملها بالمشفى الخاص.. كانت تستمتع
بكل لحظة تمر في عملها.. احبوها جميع زملاءها رغم انها لا تتعامل
معهم سوا في حدود العمل حتى المرضى التي كانت تبتسم لهم ببرود
رغم انها احبتهم لكنها من النوع الذي لا يستطيع اظهار مشاعره.. في
يوم كانت تمارس عملها مثل كل يوم حتى سمعت صوتاً عالياً يأتي من
امام غرفة الرعاية المركزة.. عقدت حاجبها وهي تذهب بسرعة حتى
وصلت لتجد رجلاً في اواخر العشرينات يصيح بصوت عالي قائلاً: لو
الزفت ده مظهرش مش هيحصل كويس



دار حكاوى الكتب

FB.HAKAWELKOTOB.COM

تدخل احد الاطباء قائلاً: يا استاذ مينفعش كده

صاح الرجل قائلاً: هو ايه اللي مينفعش.. انتوا شوية بهائم

في تلك اللحظة تدخلت ضحى ووقفت امامه ونظرت اليه بعينها
الجلدية وهتفت ببرود: مينفعش كدة يا استاذ احنا في مستشفى
محترمة

رفع الرجل احدى حاجبيه قائلاً: وانتى مين انتى كمان عشان تتكلمي
معايا وبتدخلي ليه اصلاً

ضحى ببرود: وطي صوتك المكان فيه مرضى.. عايز تتكلم روح لمدير
المستشفى لكن شغل الحوارى ده ماحصلش في مستشفى محترمة

اتسعت عينا الرجل بغضب وهتف: انتى قليلة الادب

ضحى ببرود: وانت مش محترم

تدخل الطبيب قائلاً: ضحى !!



دار حكاوى الكتب

FB.HAKAWELKOTOB.COM

قاطعته ضحى برود قائلة:لو سمحت يا دكتور لو فضلنا سايبين
الاستاذ يعلي صوته يبقى تقفلوها وتخلوها سوق احسن

ثم نظرت اليه فقال:وانتي بقى بتدخلي زي الحماره من غير ما تعرفي
ايه الموضوع الظاهر فعلاً ان كلكم بهائم

حذرتة ضحى وهي تشير باصبعها قائلة:وطي صوتك واتكلم باحترام
زفر الرجل بغضب قائلاً:شيلوا البتاعة دي من قدامي عشان مدفنهاش
مكانها

كتفت ضحى ساعديها امام صدرها قائلة:اتفضل وريني هتدمني ازاي
اغمض عيناه وهمس:اللهم طولك ياروح..باين انك عايزة تتربي

في تلك اللحظة سمعوا هتاف حاد قائلاً:عمر!!!

.....



دار حكاوي الكتب

FB.HAKAWELKOTOB.COM

الفصل الثاني

التفت عمر لمصدر الصوت فاقترب منه ذلك الرجل وهتف
بحده: كفاية فضايح بقى

عمر: لو سمحت يا بابا مش كفاية اللي عمله في اختي.. وكمان البتاعه
دي كمان

هتف والده بحزم: اسكت بقى
نظرت له ضحى باشمئزاز ثم استدارت عائدة لعملها..

.....

رن هاتفها برقم خالها فاجابت بهدوء: الو

ادهم عبر الهاتف: خلصتي شغلك ولا لسه



دار حكاوى الكتب

FB.HAKAWELKOTOB.COM

ضحى: اه همشي اهو

ادهم: طيب خلي بالك من نفسك

ضحى: او كي

اغلقت الخط واخذت حقيبتها من الغرفة المخصصة
للممرضات.. خرجت من الغرفة لتتفاجأ بذلك الرجل امامها.. رفعت
احدى حاجبيها ونظرت له ببرود فقال بحرج: انا متأسف يا بنتي على
اللي حصل

صمتت ضحى قليلاً عندما رأت ابنه يقف خلفه.. التفت ذلك الرجل
ونظر لابنه قائلاً: تعالى يا عمر

زفر عمر واقترب منها فنظر له والدها قائلاً: هستناك في العربية

اوماً عمر وانتظر حتى ذهب والده ونظر اليها قائلاً: انا.. انا اسف

رفعت عيناها لتقابل عيناها التي اتسعت بدهشه.. يا الله ما هذا.. لون



دار حكاوي الكتب

FB.HAKAWELKOTOB.COM

عيناها مثل لون البحر.. لكنه بحر متجمد.. ولكنها كانت رائعة , ظل
 ينظر لعيناها قليلاً فعقدت حاجبيها فوجدته يهمس: عيني.. حلوة
 اوي

اخفضت رأسها بسرعة وتسارعت خفقات قلبها وارتبكت وهي ترفع
 يدها لتكتشف انها لم ترتدي العدسات السوداء ولا حتى النظارة , لا
 يعرف كيف قال ذلك لكن هناك ابتسامة تسلت لشفثيه
 وهمس: وطلعتي بتتكسفي

نظرت له بسرعة وهي عاقدة حاجبيها بتعجب فهمس
 مبتسماً: خدودك احمرت

اتسعت عيناها وهي تلمس وجنتها لتشعر باشعالها.. اخفضت رأسها
 وتجاوزته قائلة: عن اذنك

ذهبت مسرعة وخفقات قلبها تتسارع وتشعر بجسدها



يرتجف..استقلت سيارة اجرة وزفرت بضيق..منذ متى تخجل؟ منذ
متى ترتبك من اي رجل..هزت رأسها باستنكار وهي تحدث نفسها
قائلة بهمس:فوقي ايه الي بيحصل ده!!!

.....

دخلت المنزل لتقابل عير امامها التي عقدت حاجبها وي تقول
بتعجب:مالك؟

اخفضت رأسها لتهرب من عيناها وهمست:مفيش..انا داخله انا
ركضت لغرفتها وتركت عير تنظر لها بتعجب..اما هي فاغلقت الباب
خلفها والقت بنفسها على الفراش تحقق في السقف بشرود..تذكرت
صوته الهامس عندما اخبرها بجمال عينيها..خفق قلبها بجنون وهي
تفكر..ماذا يحدث؟ ,نهضت ووقفت امام المرأة لترى ان كانت حقاً
جميلة ام لا؟ ,ظلت تنظر لنفسها..حررت شعرها لينسدل على ظهرها



بشكل رائع..اقتربت من المرأة لتنظر لعينيها الزرقاء المتجمده..لكنها لاحظت شيئاً ما ,ما تلك اللمعة التي ظهرت في عيناها..انتفضت ضحى عندما فُتح الباب ودخلت منه حبيبة بسرعة..جمعت ضحى شعرها على كتف واحد وحاولت ان تستعيد برودها المعتاد وتأنبها على دخولها بتلك الطريقة ولكنها لم تستطيع الا ان تهمس:حبيبة تراجعت حبيبة للوراء وقالت بأسف:انا اسفه مك..

قاطعتها ضحى قائلة:محصلش حاجة كنتي عايزة ايه؟

نظرت لها حبيبة بدهشه ولكنها قالت:بابا عايزك

اومأت ضحى وجمعت شعرها على شكل زيل حسان..خرجت من الغرفة واتجهت لغرفة المعيشة حيث يجلس خالها ادهم وزوجته ولاء..جلست بجانبه وقالت:نعم يا خالو

نظر لها ادهم قائلاً:فرح حسين ابن خالتك بعد 10 ايام هتيجي معانا



ولا لا برضه

لم تتردد ضحى وهتفت: لا

هتفت وعبير بحنق: يالهوري عليكي مباحيش تفرحي ابدأ بومه

ادهم: عبير!!

نظرت له ضحى قائلة: ايه يا خالو انا من امتى بزعل من بيرو هي

كلامها دبش بس عادي

عبير بدهشه: انا كلامي دبش!! امال انت ايه؟

رفعت ضحى حاجبيها قائلة: بومه

ادهم: يا ضحى تعالي الفرحة معنا عشان خاطري

زفرت ضحى قائلة: خالو لو سمحت انا مش بحب اجتمع معاهم اصلاً

اروح احضرلهم فرح



دار حكاوي الكتب

FB.HAKAWELKOTOB.COM

ادهم:ضحى عيب كدة متنسش ان دول اهلك

زفرت بضيق قائلة وهي تنهض

:تصبح على خير انا عندي شغل الصبح

عادت لغرفتها واغلقت الباب خلفها واغلقت الضوء وتمددت على

الفراش حتى استسلمت للنوم مع احلامها جديدة

في اليوم التالي كانت مطمئن على المرضى التي بغرفة العناية..خرجت

من الغرفة واتجهت للكافتريا واحضرت كوب من القهوة وجلست على

احدى الطاولات..كانت شارده لكنها انتبهت عندما وجدت شخصاً ما

يجلس معها..كان هو..ارتبكت وعندما وجدته ينظر اليها

مبتسماً..رفعت احدى حاجبيها بطريقة مضحكة مثلما تفعل

دائماً..فاقترب منها بوجهه ونظر في عينيها قائلاً:هي عينك كل يوم



دار حكاوى الكتب

FB.HAKAWELKOTOB.COM

بلون

اشاحت بوجهها فابتسم قائلاً: مشيتي امبارح من غير ما اكمل كلامي

لم ترد عليه فقال: طب مش عايزة تعرفي كنت بزقك ليه؟

ظلت تنظر بعيداً عنه قليلاً لكن فضولها جعلها تنظر اليه بفضول

فقال: اختي جبتها هنا عشان تعمل عملية وترجع تقف على رجلها

تاني بس بعد العملية دخلت في غيبوبة

اتسعت عيناها قائلة: هي دي اختك؟

اوما برأسه قائلاً: ايوا.. مش ليا حق في الي عملته بقى؟

زمت ضحى شفيتها وقالت: كان ممكن تسمع الدكتور على فكرة انا

حضرت العملية دخلت في غيبوبة مش بسبب حاجة عضوية دي

حاجة نفسيه

تنهد عمر قائلاً: برضه غصب عني.. دي توأمي صعب عليا اشوفها



دار حكاوي الكتب

FB.HAKAWELKOTOB.COM

كدة..وبعدين دول حتى منعني ادخلها

ضحى:ممنوع الزيارة جوا العناية المركزة

عمر:بس انا عايز اشوفها

فكرت ضحى قليلاً ثم قالت:انا اقدر ادخلك بس مش دلوقتي بالليل

عمر بلهفة:بجد!!

اومأت ضحى فقال:متشكر اوي..وانا اسف مرة ثانية

ابتسمت..لا تعرف متى اخر مره ابتسمت فيها..كانت ابتسامها هادئة

مما زاد من جمالها..شردت في ابتسامتها مما دفع الدماء تغذوا

وجنتيها واخفضت بصرها..لا تعلم ماذا حدث لها..تخجل؟. وتبتسم؟

لم تبتسم ببرود بل كانت ابتسامة تنبع من القلب..نظرت اليه مره

اخرى عندما قال:طب مش هتقوليلي اسمك؟

ابتسمت قائلة:ضحى..اسمي ضحى



دار حكاوي الكتب

FB.HAKAWELKOTOB.COM

ابتسم عمر قائلاً بهمس: ضحى.. اسمك حلو اوي زيك

احمرت وجنتيها واخفضت ونهضت بسرعة قائلة: بعد اذنك عندي شغل.. ومتنssh لو عايضة تشوفها تعالى الساعة 12 انا عندي نبتشيه

تركته وذهبت مسرعة اما هو فظل ينظر يراقبها وهي تمشي بسرعة.. تسلفت ابتسامه لشفتيه وهو يفكر.. كيف تغير لون عيناها من الازرق للاسود.. لون عيناها كان يبدو طبيعياً.. كيف تغير؟

.....

انتصف الليل وعاد هو الى المشفى.. كانت تنظره امام غرفة العناية.. اقترب منها بسرعة وقال: اسف اتأخرت

ضحى: ولا يهملك تعالى بسرعة بس قبل ما حد يشوفك وتبقى مشكلة دلف معها لغرفة العناية.. وعلى الفراش كانت تنام فتاة في اواخر العشرينات من عمرها.. بشرتها بيضاء شاحبه.. كانت ساكنه ومتصل بها



عدة اجهزة..اقترب منها عمر وجلس على ركبتيه وامسك يدها
 وهمس:ياسمين..حبيبتي..ياريت تكوني سمعاني..عمليتك نجحت
 هترجعي تمشي تاني..ارجعيلي بقى..الدنيا وحشه اوي من غيرك..4 ايام
 وانتي بعيد عني..ارجعي..ارجعي لحبيبك عمر

كانت تراقبه وهو يتحدث لشقيقته..شعرت بالدموع تلسع
 مقلتيها..اندهشت..كيف؟ هي تبكي؟ لوح الثلج تبكي..اغمضت عيناها
 حتى لا تسقط دموعها..اقتربت منه وهمست:استاذ عمر يالا

نظر لها عمر قائلاً:حاضر, ثم نظر لشقيقته من جديد وقال:هستناكي
 نهض..خرج معها من غرفة العناية وابتعدوا قليلاً ثم توقف ونظر
 اليها قائلاً:انا مش عارف اقولك ايه..متشكر جداً

ابتسمت قائلة:متشكرنيش..مممكن سؤال

عمر:طبعاً



دار حكاوي الكتب

FB.HAKAWELKOTOB.COM

ضحى: هو ايه اللي حصلها؟

تنهد عمر قائلاً: من سنة عملت حادثة هي وصاحبها بالعربية.. صاحبها هي اللي كانت سايقه بس حصلهاش حاجة.. لكن ياسمين الحادثة أثرت على رجلها.. كانت مخطوبة لواحد وبعد الحادثة بشهرين سابها.. ومن اسبوعين جالها دعوة فرحه على صاحبها اللي عملت الحادثة معاها

تجمعت الدموع في عينيها وهمست: يا حرام

نظر لعينيها وهي تجاهد حتى لا تسقط دموعها وقال: انتي بتعيطي؟

هزت رأسها وابتسمت قائلة بسخرية: اعيط؟ لا انت فاهم غلط هي

صعبت عليا اكيد ربنا هيعوضها

عمر: بس انا شايف دموع في عينك

اشاحت بوجهها قائلة بشرود: دموع!! لا انا مبيعيطش.. انا مش فاكدة



دار حكاوى الكتب

FB.HAKAWELKOTOB.COM

امتى اخر مرة عيبت فيها

عقد حاجبيه قائلاً:ازاي؟

هزت رأسها قائلة:بعد اذنك عندي شغل

تركته وذهبت..هز رأسه بتعجب وهو يفكر..ماذا حدث له منذ ان
رأها!!

مر اسبوع اخر وتغيرت ضحى كثيراً في تعاملها مع زملاءها فهي كانت
تبتسم على غير العادة..حتى ان خالها لاحظ ذلك لكنه لم
يعقب..كانت في غرفتها صباحاً..فتحت خزانة الملابس..كانت مترددة
فيما ستفعل لكنها قررت سترتدي الملابس الذي كانت تشتريها لها ولاء
ولم تكن ترتديها..اخرجت بنطال اسود لكنه ضيق قليلاً وبلوزه قطنيه
من اللون الفيروزي..ارتدتهم ووقفت تنظر لنفسها امام المرآة..جمعت
شعرها على شكل جديلة على كتف واحد..مدت يدها لتضع العدسات



السوداء لكنها تراجعت..دخلت حبيبة لغرفة ضحى مثل العادة دون
ان تطرق الباب..اتسعت عيناها بدهشه وهي ترى ضحى ترتدي تلك
الملابس وهمست:ايه يابت الحلاوه دي

ضحى بتعجب:في ايه

صاحت حبيبة بصوت عالي:بيرووو بيرووو تعالي بسرعة

ركضت عبر لغرفة ضحى لتتسمر في مكانها..نظرت لضحى من رأسها
حتى قدميها وقالت:ضحى انتي بجد؟

ارتبكت ضحى وهربت بعيناها من عبر التي كانت تنظر لها
بتفحص..اقتربت منها عبر قائلة:ضحى انتي كنتي مخبية عنا كل ده
فين؟

استعادت ضحى بروودها وهمست:ولاء خلصنا

ضغطت عبر على اسنانها بغیظ وهي تراها تلتقط حقيبتها وتتجه



للخارج..ثم وقفت ونظرت اليهم قائلة:اه صح انا جاية معاكم الفرح
وخرجت مسرعة لتذهب لعملها...

بعد ساعتين كانت في غرفة العناية تطمئن على ياسمين..فهي منذ ان
علمت حكايتها من عمر اصبحت مسئولة عن غرفة العناية مع
الطبيب المخصص..كانت تنظر للمؤشرات الحيوية الخاصة
بياسمين..نظرت لياسمين فوجدتها تفتح عينيها ببطء..همست ياسمين
بتعب:عمر

ابتسمت ضحى قائلة:حمدلله على سلامتك

همست ياسمين مرة اخرى:عمر..عمر فين

ضحى:ارتاحي بس وهبلغ الدكتور يشوفك

....



دار حكاوي الكتب

FB.HAKAWELKOTOB.COM

بعد قليل تم نقل ياسمين لغرفة عادية بعد ان اطمئن عليها
الطبيب..وقفت ضحى امامها وابتسمت قائلة:حمدلله على سلامتكم

ياسمين:الله يسلمك..عمر فين؟

ضحى:عم..استاذ عمر راح مشوار وراجع تاني..مكنش بيسيبك
ابدأ..على طول قاعد في المستشفى معاكي

ابتسمت ياسمين قائلة:ياحبيبي يا عمر ,ثم نظرت لضحى قائلة:اسمك
ايه؟.

همست:ضحى

ابتسمت لها ياسمين فقالت ضحى:انا برا لو احتاجتي حاجة رني
الجرس وهجيلك

ياسمين بتوسل:لا خليكي معايا انا بخاف اقعد لوحدي

ابتسمت ضحى قائلة:طيب 5 دقائق وهرجعلك



دار حكاوي الكتب

FB.HAKAWELKOTOB.COM

اومأت ياسمين فخرجت ضحى من الغرفة ومشت قليلاً حتى وجدت
عمر يقترب منها قائلاً: انتي فين يا ضحى بدوار عليكى

ابتسمت ضحى قائلة: استاذ عمر كويس انك جيت انسة ياسمين فاقت
واتنقلت غرفة عادية

ابتسم عمر بسعادة قائلاً: انتي بتتكلمي بجد!!

اومأت قائلة: تعالى ورايا

ذهب خلفها حتى وقفت امام غرفة وطرقت الباب ثم دخلت , دخل
خلفها عندما رآته ياسمين هتفت بسعادة: عمر

ركض عمر اليها وضمها ل صدره وهو يقول: حمد لله على سلامتك
يا حبيبتي الحمد لله انك كويسة

ياسمين بدموع: عمر حبيبي.. العملية..

نظر اليها عمر قائلاً: ياسمين خلاص يا حبيبتي هتقدرى تمشي تاني



دار حكاوى الكتب

FB.HAKAWELKOTOB.COM

ياسمين بسعادة:بجد!!

اوماً عمر فهتفت بسعادة:الحمدلله الحمدلله

كانت ضحى تنظر اليهما بابتسامة..نهض عمر واقترب من ضحى

قائلاً:ضحى يا ياسمين كانت بتهتم بيكي

ابتسمت ياسمين قائلة:شكراً

ضحى بابتسامة:انا معملتش حاجة ده وجبي

في تلك اللحظة دخل الطبيب وابتسم قائلاً:حمدلله على سلامة الانسة

يا استاذ عمر

عمر:الله يسلمك يادكتور ادم متشكر

نظر ادم لضحى قائلاً:ضحى هتبقي مسئولة عن الانسة..انتي عارفه

انها هتحتاج قمرينات ل6 شهور على الاقل عشان ترجع زي

الاول..ومواعيد الادوايه طبعاً عرفاها



دار حكاوى الكتب

FB.HAKAWELKOTOB.COM

اومأت ضحى قائلة: ان شاء الله يادكتور

نظر لعمر قائلاً: ضحى هتبقى معاها هي وبس وان شاء الله هترجع
زي الاول واحسن

اوماً عمر فخرج الطبيب بعد ان ابتسم لها فاستئذنت ضحى
لتذهب.. عندما فتحت الباب لتخرج تفاجأت بوالد عمر ومعه سيدة
في اوائل الخمسينات لكنها لم تظهر عليها علامات السن وملابسها
الانيقة مما يدل على مستواها الاجتماعي.. كانت تشبه ياسمين كثيراً
فاستنتجت انها والدته.. دخلت السيدة بسرعة وضمت ابنتها وهي
تقول: كدة يا ياسمين.. تعملي العملية ومتقوليليش

ياسمين: مكنتش عايزة اقلقك يا ماما انا كويسة اهو

نظر والد عمر لضحى قائلاً: ازيك يا ضحى

ابتسمت ضحى قائلة: الحمد لله.. بعد اذنكم



دار حكاوي الكتب

FB.HAKAWELKOTOB.COM

كان عمر يتباعها بعينه حتى اغلقت الباب خلفها حتى انه لم يحدث
والدته التي هتفت بحنق: ايه يا استاذ عمر مش واخد بالك مني
هز عمر رأسه ليفيق واقترب من والدته وقبل يدها قائلاً: حمد لله على
السلامه ياست الكل

زفرت والدته قائلة: ما بلاش ست الكل دي
ارتفع حاجب عمر باستنكار فهتف والده قائلاً: وبعدين يا هالة
صمت هالة بحنق وقبلت رأس ابنتها بحنان وهي تهمس: انتي
كويسة يا حبيبتي
اومأت ياسمين بابتسامة باهته ولم تعقب

مر يومين وبدأت ضحى مساعدة ياسمين في المشي على العكازين حتى
تستطيع بعد ذلك المشي بدونهما.. كانت ياسمين ودوده جداً واحبت



دار حكاوي الكتب

FB.HAKAWELKOTOB.COM

ضحى كثيراً.. في ذلك اليوم كانت تساعدنا في المشي بحديقة
المشفى.. بعد ذلك اجلسنا على المقعد وجلست في المقعد الذي يالينا
، نظرت ياسمين لضحى قائلة: انتي عندك كام سنة يا ضحى

ضحى: 23

ياسمين بابتسامة: انا اكبر منك ب 5 سنين

ضحى بابتسامة: بس انتي ميبنش عليكي يا انسه ياسمين شكلك اصغر
مني اصلاً

ياسمين بضيق: ما بلاش انسه دي قوليلي ياسمين وبس

اومات ضحى بابتسامة.. نظرت ياسمين لعينيها وقالت: هي دي عيني
بجد؟

اومات ضحى بخجل لم تعتاده فقالت ياسمين: ماشاء الله

ابتسمت ضحى ثم نهضت قائلة: تعالي ارجعك اوضتك عشان معاد



دار حكاوي الكتب

FB.HAKAWELKOTOB.COM

الدوا

نهضت معها ياسمين وساعدتها حتى عادت لغرفتها واعطتها الدوا الخاص بها..تعجبت ضحى من عدم وجود عمر بالمشفى فهي اعتادت على تواجده دائماً بجانب شقيقته..ترددت كثيراً في ان تسألها عنه لكنها حسمت امرها وقالت:هو استاذ عمر مجاش ليه

ياسمين:عنده شغل هيجي بالليل

لا تعرف لما شعرت بالضيق من عدم تواجده لكنه نفضت تلك الافكار من رأسها وظلت تتحدث مع ياسمين كأنهما اصدقاء منذ فترة طويلة..بعد ساعة خلدت ياسمين للنوم وكانت ضحى قد انتهت وقت عملها..بدلت ملابسها وخرجت من المشفى عائدة لمنزلها..

في اليوم التالي كان زفاف حسين ابن خالتها واخيها بالرضاعة..على



دار حكاوى الكتب

FB.HAKAWELKOTOB.COM

الرغم من اعتراض وعير على ذهابها للعمل لكنها لم تريد ان تترك
 ياسمين وحدها.. لكنها عادت مبكراً.. في ذلك اليوم ايضاً لم ترى عمر
 لانه كان في عمله ولم يأتي للمشفى.. عادت للمنزل واغتسلت ثم
 فتحت خزانها واخذت تنظر للفساتين التي لم ترتديها مطلقاً.. اخرجت
 واحد من اللون الاسود به بعض الخطوط الفصوص الفضية , ارتدته
 ونظرت لنفسها في المرآة كان الفستان طويل يصل لكاحليها.. له كمين
 يصل لمعصمها يضيق من عند الصدر قليلاً وينزل واسعاً من عند
 الخصر حتى نهايته.. مشطت شعرها ورفعت جزءاً بشكل جذاب
 وتركت الباقي منسدلاً على ظهرها. , طرقت عير الباب ودخلت لتقف
 مكانها وتنظر لضحى بانبهار.. اقتربت منها وظلت تدور حولها هي
 تقول: ماشاء الله الله اكبر عليكى يا ضحى شكلك زي القمر

اخفضت بصرها وهمست بخجل: بجد!

عير: والله العظيم ربنا يستر وادهم يرضى يخرجك من البيت كده



دار حكاوى الكتب

FB.HAKAWELKOTOB.COM

في تلك اللحظة دخل ادهم للغرفة قائلاً:مين بينده عليا

نظر لضحى رافعاً احدى حاجبيه قائلاً:ماشاء الله انتي ضحى بجد!

ضحى بحنق:خالو!!

ضحك ادهم وقال:خلاص ياستي بهزر يالا البسي عشان هنتأخر

نظرت ضحى لعبر التي بادلتها النظر بتعجب ثم قالت:مانا لبست
اهو

اتسعت عينا ادهم قائلاً:نعم!! انتي عايضة تنزلي كدة

ضحى:ايوا يا خالو فيها ايه؟

ادهم:لا غيري البسي اي حاجة تانية

اقتربت منه عبر قائلة بهمس:عشان خاطري يا ادهم عدي الليلة دي

وسيبيها احنا ما صدقنا رضيت تيجي معنا



زفر ادهم بضيق قائلاً: خلاص خلاص

وخرج من الغرفة اما عبير فامسكت يد ضحى واجلستها ثم اخرجت

من حقيبتها قلم لرسم العين وقالت: غمضي عينك

ضحى: لا يا لولا بلاش مبحش الحاجات دي

عبير بغيط: يابت اخلاصي

ضحى بحنق: طيب

بعدما انتهيا من زينتهما خرجا لادهم الذي قال: هنروح الاول على

بيت ماما عشان نمشي كلنا من هناك

تدخلت ضحى قائلة: طب روحوا انتوا وانا هحصلكم

فهم ادهم انها لا تريد ان تذهب لبيت جدتها فاوماً قائلاً: طيب بس

خلي بالك من نفسك



هتفت حبيبة: بابا هاجي مع ضحى

ضحى: سييها معايا ياخالو

ادهم: طيب خلوا بالكم من نفسكم

.....

بداخل احدى القاعات في احد اكبر الفنادق بالقاهرة.. دلفت ضحى برفقة حبيبة التي كانت ترتدي فستان من اللون الوردي وحجاب من نفس اللون.. كانت ضحى مرتبكة بشكل كبير فهي لم تعتاد على تلك الملابس تشعر ان كل الحاضرين يحدقون بها.. كانت تنظر حولها لعلها تجد خالها لكنها لم تجده.. زفرت بضيق وهي تبحث بعينيها عنه حتى سمعت حبيبة تقول: ماما اهي

تنهدت ضحى بارتياح وذهبت ناحيتها.. كانت عير تقف مع سميحة



دار حكاوى الكتب

FB.HAKAWELKOTOB.COM

الذي لم تستطيع ان تخفي دهشتها عندما رأت ضحى وفتحت فمها
ببلاهة..ابتسمت ضحى ببرود كعاتها قائلة:مبروك يا..طنط

استيقظت سميحة من دهشتها وابتسمت بابتسامة زائفة وقالت:الله
يبارك فيكي عقبالك يا حبيبتى..بعد اذنكم دقيقة

ذهبت سميحة فنظرت ضحى لعبير التي كانت تكتم ضحكتها
بصعوبه على سميحة وقالت:خالتك كانت هطق

ابتسمت ضحى قائلة:تطق تموت وانا مالى..

عبير:بس انتي ايه الي خلاكي تيجي تحضري الفرحة ده انتي كنتي
بتروحي عند جدتك بالعافية

هزت ضحى كتفيها قائلة:عشان خاطر حسين

ضحكتعبير قائلة:على اساس انك بتحبي حسين اوي

ضحى:ماهو اخويا برضه



دار حكاوى الكتب

FB.HAKAWELKOTOB.COM

تدخلت حبيبة قائلة: يا ااه اخيرا اعترفتي انه اخوكي

زفرت ضحى بضيق وهتفت: اوعي من وشي انتي وامك لما اروح
اباركله

تركت وذهبت باتجاه حسين الذي كان يجلس بجانب عروسه مبتسماً
بوسامته المعتادة.. فهو اكثر ابناء خالتها وسامه.. واحتراماً, كانت مترددة
في الاقتراب لكنها اشتجعت شجاعتها عندما نظر لها وابتسم بذلك
الحنان الذي ينبعث من عيناه كانت دائماً كيف يكون حسين ابن
سميحه!! , اقتربت وابتسمت بتردد وقالت: مبروك.. يا حسين

اتسعت ابتسمت حسين وجذبها من معصمها ليضمها بحنان.. تفاجأت
من فعلته لكنها وجدت نفسها ترفع ذراعيها لتحيط عنقه بهم.. طبع
حسين قبله على شعرها قائلاً: عقبالك يا حبيبتي

اخفضت بصرها بخجل ونظرت لزوجته التي كانت تنظر اليهما



بتعجب..ابتسم حسين وهو ينظر لزوجته قائلاً:دي ضحى يامي اللي
حكيتلك عنها

ابتسمت ضحى قائلة:مبروك

مي بابتسامة:الله يبارك فيكي..حسين حكالي عنك كثير وكان نفسي اوي
اتعرف عليك

ابتسمت ضحى بخجل قائلة:ربنا يسعدكم

ربت حسين على كتفها قائلاً:مبسوط انك جيتي

ابتسمت ضحى ولم تعرف ماذا تقول في تلك اللحظة جاءت حبيبة
وقالت بمرح:افرح يا حسين ضحى جت مخصوص عشان

وكزتها ضحى فتأوهت حبيبة وهي تنظر لها بغیظ..نظرت ضحى
لحسين ومي وقالت:بعد اذنكم

اوماً حسين فذهبت ضحى وهي تمسك حبيبة من ذراعها لتأخذها



معها ووقفت بعيداً عن الحضور وهتفت بغیظ: انتي ايه يابت
مبتعرفيش تسكتي

ضحكت حبيبة قائلة: ما خلاص بقى يا دودو بلاش تقفشي

ضحى بتعجب: اقفش!! انتي بتجيبى الكلام ده منين

حبيبة: من المدرسة

ضحى: بقولك ايه انا اتخنقت همشي

حبيبة: انتي لحقتي!!

ضحى: انا بركتله خلاص وبعدين عندي شغل الصبح

حبيبة: طيب

تركت حبيبة واخذت تبحث عن ادهم لكنها لم تجده.. تنهدت وهي

تهتف: انت فين بس يا خالو..



.....

كان امير يقف مع حلا ابنة خالته "سميحة ويتحدثون..لفت نظره تلك الفتاة التي تقف على بعد منهما وتعطيها ظهرها..نظر لها من رأسها حتى قدميها وهتف:ايه البت الجامده دي

رفعت حلا احدى حاجبيها وهي تنظر للفتاة قائلة باستنكار:ايه القرف ده

نظر لها امير قائلاً بتعجب:قرف!!

حلا:اه وبعدين احترم ان في بنت واقفه معاك

ضحك امير بسخرية قائلاً:بنت!! انتي حوله باين ,ثم نظر للفتاة قائلاً:هي دي البنات..اوعي هتعرف عليها

تركها وذهب فنظرت له بغضب وهمست:جيلة مبتحسش!!

.....



دار حكاوي الكتب

FB.HAKAWELKOTOB.COM

اخرجت هاتفها ولتهااتف خالها ولكنها قاطعها ذلك الصوت البشع
قائلاً: ممكن نتعرف على القمر

استعادت برودها وتجمدت عيناها والتفتت اليه بنظرها التي
ترعبه.. تراجع امير للوراء قائلاً: اعوذ بالله هو انتي

رمقته لنظره حادة وهمست بصوت جليدي: خير

امير باستنكار: وهعوز منك ايه؟.. ثم نظر لها بتفحص قائلاً: بس انتي
طلعتي حلوة اوي

هتفت بصوت حاد: وانت قليل الادب

تركته وذهبت لبيتسم هو قائلاً: يخربيتك كنتي مخبيه ده كله فين!!

.....

اكملت البحث عن ادهم حتى وجدته يقف اقتربت منه بسرعة
وقالت: خالو انا همشي



كاد ان يرد عليها لكن قاطعه صوت يهتف باسمه استدار ادهم ليرى
وابتسم قائلاً بسعادة: حامد اخيراً ياراجل

صافحه حامد قائلاً: ازيك يا ادهم

ادهم: الحمد لله , ثم نظر للشاب الذي كان يقف بجانبه قائلاً: ازيك
يا عمر اخبارك ايه

عمر بابتسامة: الحمد لله اخبار حضرتك ايه يا عمي

اتسعت عيناها والتفتت بسرعة لمصدر الصوت الذي تعرفه
جيداً.. التقت عيناها بعمر الذي ابتسم تلقائياً عندما راها.. ظل عمر
ينظر لها باشتياق فهو لم يراها منذ ثلاث ايام.. كانت ينظر لعينيها
التي سرقت انفاسه منذ اللحظة الاولى التي رآها فيها.. رمش بعينه
عدة مرات وهتف: ضحى



الفصل الثالث

ابتلعت ضحى ريقها عندما وجدت خالها ينظر اليها بتعجب
قائلاً: انتوا تعرفوا بعض

تنحنت ضحى قائلة: احم.. اخت الاستاذ عمر عندنا في المستشفى

اوما ادهم وقال: ضحى بنت اختي هدى الله يرحمها

ابتسم حامد بحنين قائلاً: من اول ما شوفتها حسيت اني اعرفها ازاي
مخدتش بالي من الشبهه الي بينهم.. تحس ان هدى واقفه قدامك
ادهم: فعلاً..

لا تعرف لماذا شعرت بسعادة عندما رآته لكنها اخفت سعادتها
ببراعة.. كانت تختلس اليه النظر وفي احدى المرات التقت عيناها
فاشاحت بوجهها وازدادت خفقات قلبها بعنف.. كانت متوترة للغاية



دار حكاوى الكتب

FB.HAKAWELKOTOB.COM

فقلت لخالها: انا همشي

نظر لها ادهم قائلاً: هتمشي لوحك ازاي دلوقتي استني لما كلنا نمشي

ضحى: مش هينفع انا عندي شغل الصبح

ادهم: خدي اجازة بكرة

ضحى: مينفعش

ادهم: ماهو مش هينفع تمشي لوحك

تدخل عمر قائلاً: عمي عنده حق.. مينفعش الوقت متأخر بس لو

عمي معندوش مانع ممكن اوصلك

ضحى بسرعة: لا

حامد: ليه يابنتي..

ضحى: مفيش ياعمو انا هاخذ تاكسي



ادهم: خلاص يا ضحى ,نظر لعمر قائلاً:معلش يا عمر هنتعبك

اغمضت ضحى عينيها وهي تحاول ان تحلي نفسها بالصبر..كيف
ستظل معه لمدة ساعة..كيف وهي تشعر بالارتباك بوجوده..تشعر
بانها شخصاً لا تعرفه..انتبهت على صوته قائلاً:مفيش تعب يا عمي..
,نظر لضحى قائلاً:هبارك لحسين ومشي على طول

نظرت لادهم الذي اوماً لها فمشت بجانبه وقلبها يخفق بعنف..اما
فلا يدري ما سر تلك الابتسامه الذي ظهرت في عينيه قبل
شفتيه..بجانباها يجتاحه شعور غريب من السعادة لا يعلم مصدرها
,اكمل طريقه ليهنى حسين اما هي فوقفت بعيداً عنهم بمسافة
ليست كبيرة..كانت تنظر للارض بشرود..وقف يتأملها قليلاً..كانت
جميلة ملامحها هادئة ليست باردة مثلما رآها اول مرة..اقترب منها
وهمس:سرحتي في ايه؟



انتفضت عندما سمعت صوته.. نظرت اليه وهزت رأسها قائلة: آ أبداً م
مفيش

اوماً قائلاً: طيب يالا

خرجا من الفندق واقتربا من سيارته.. وقف امام باب السيارة وفتحه
لها قائلاً بابتسامة: اتفضلي

اخفضت رأسها بخجل واستقلت السيارة فاغلق الباب ودار حول
السيارة واتقل امام عجلة القيادة وانطلق.. ساد صمت بينهما كانت
هي تفرك يديها بتوتر وهو يختلس النظر لها دون ان تشعر.. ظلت
تراقب الطريق بشرود لاحظ شرودها وذلك الحزن الذي ارتسم على
ملامحها.. حزن حاولت ان تدفنه لكنها لم تستطيع.. كانا على كورنيش
النيل.. نظرت اليه فجأة قائلة: ممكن تقف

نظر لها بتعجب واوقف السيارة وقال بتساؤل: في ايه؟



دار حكاوي الكتب

FB.HAKAWELKOTOB.COM

هزت رأسها قائلة: عايزة اقف هنا شوية

ترجلت من السيارة وهو ينظر لها بابتسامة , وضعت كلتا يديها على
السور الحجري لتستند عليه اغمضت عيناها تستمتع بالنسيم
البارد.. كان الطقس بارد لكنها لا تشعر بالبرد.. لا تشعر بشئ سوا
الحنين.. الحنين لذكريات دفنت مع والديها.. فتحت عيناها وظلت
تنظر لنهر النيل تسلفت ابتسامه لشفتيها.. كان عمر قد ترجل من
سيارته وظل ينظر اليها بابتسامة.. اقترب منها وقال: بتحبي تيجي هنا

ابتسمت قائلة بحنين: مجتش هنا من 9 سنين

عمر بدهشه: ياااه ليه طيب

التفتت اليه قائلة: من ساعة بابا وماما ما اتوفوا وانا مجتش

همس عمر: ربنا يرحمهم

ضحى: يارب



دار حكاوى الكتب

FB.HAKAWELKOTOB.COM

التفتت لتنظر للنيل مرة اخرى وقالت: انت تعرف حسين منين؟

عمر: حسين شريكي في المكتب.. هو يقربك ايه؟

همست ضحى رغماً عنها: اخويا

عمر بتعجب: اخوي!!!

ضحى: في الرضاعة.. اخويا في الرضاعة وابن خالتي

عمر: اها طب ليه مفضلتيش معاهم

ضحى: مش بحب الافراح.. وعندي شغل الصبح

ضحك عمر قائلاً بهرح: شكلك معقدة

عقدت حاجبيها وهمست بشرود: معقدة!.. فعلاً

عقد حاجبيه قائلاً: انا مقصدش انا بهزر

التفتت اليه قائلة: بس انت عندك حق بيرو دايماً تقولي بطلي عقد



عمر بابتسامة:بس انا مش شايفك معقدة..

ابتسمت ولم تعقب..اشاحت بوجهها وظلت تنظر للنيل بشرود
ومازالت ابتسامتها تزين شفيتها..هتف عمر قائلاً:انا هخلي ياسمين
تكمل علاجها في البيت ايه رأيك

نظرت اليه قائلة:لو اريح لها يبقى اعمل كدة

عمر:طب ايه رأيك لو تكمل معاها العلاج

فكرت ضحى قليلاً ثم هزت كتفها قائلة:معنديش مانع

ابتسم لها مما جعلها تبتسم بخجل وهي تشيح بوجهها ولا تعلم ماذا
يحدث لها وهي معه..

دلفت ضحى لغرفتها بعدما اوصلها عمر..القت نفسها على الفراش
والابتسامة تزين شفيتها..كانت تفكر لماذا وافقت على ان تكمل علاج



دار حكاوي الكتب

FB.HAKAWELKOTOB.COM

ياسمين في المنزل.. لكن لا تعلم كيف خرج الكلام منها عندما نظر
لعينيه.. تنهدت بحرارة وهي تغمض عينيه و بداخلها تشعر بشعور لم
تجربه قط في حياتها..

عادت من عملها في اليوم التالي وجدت ادهم وعبير يجلسان في غرفة
المعيشة..القت عليهما التحية وجلست بجانب ادهم قائلة:عايزة اقول
لحضرتك حاجة

نظر لها ادهم قائلاً باهتمام:قولي

اخذت ضحى نفساً عميقاً ثم قالت:من بكر ا هبدأ مع ياسمين اخت
استاذ عمر العلاج بس في بيتهم

عقد ادهم حاجبيه قائلاً:ليه؟

ضحى:هي عايزاني ومرتاحة معايا



دار حكاوي الكتب

FB.HAKAWELKOTOB.COM

اوما ادهم قائلاً:هي ايه الي حصلها

ضحى:كانت عملت حادثة خلتها مش بتمشي على رجلها

ادهم:لا حول ولا قوة الا بالله

عبر:طب وانتى موافقة تروحي ولا رايحة غصب عنك

نظرت لها ضحى قائلة بحده غير مقصودة:انا مبعملش حاجة غصب

عني

عبر بتعجب:ايه يادودو مقصدش انا بسألك بس

زفرت ضحى قائلة:انا اسفه يا بيرو

ثم نهضت قائلة:تصبحوا على خير

دخلت غرفتها واغلقت الباب خلفها..القت حقيبتها على الفراش

وجلست بجانبها..تشعر بالضيق لانها لم تراه اليوم..كانت تتسائل لماذا

لم يأتي للمشفى..تنهدت بحيرة وهي تحد نفسها"ايه الي حصلك يا



دار حكاوى الكتب

FB.HAKAWELKOTOB.COM

ضحى..عمر ما كان في حد يفرق معاكي بعد امك وابوكي..ايه اللي جرا
بس..بس انتي بتفكري فيه ليه؟ وانتي مالك اصلاً

زفرت بضيق وهي تضرب الفراش بقبضتها قائلة:يووووه اطلع من
دماغي بقى

بعد مرور شهرين

كانت ضحى تقضي طوال اليوم مع ياسمين بمنزلهم لتساعدها..كانا
قريبين من بعضهما حتى ان ياسمين قد قصت عليها كل ما حدث لها
منذ ان اصببت في الحادث..وايضاً كان قد تقرب منها للغاية ويستغل
كل فرصة تتاح له لكي يجلس معها ويتحدثا ,و لم تغفل ياسمين عن
نظرات عمر لضحى لكن المشكلة كانت تكمن في "هالة" والدته فهي



دار حكاوى الكتب

FB.HAKAWELKOTOB.COM

كانت تتعامل معها بتعالي مما كان يسبب الضيق لها لكنها كانت تتجانبها حتى لا تنفعل عليها دون ان تقصد..

في المساء كانت في غرفتها ممددة على الفراش وتعبث بشعرها وتمسك بحاسوبها الشخصي..دخلت على ملف باسم عبير كانت انشأته عندما استعارت حاسوبها لفترة وجدت به بعض الاغاني القديمة كانت قد سمعت بعضاً منهم عندما كانت صغيرة في منزل والديها..ضغطت على احدى الغنيات لينبعث صوت "شاديه" منه بكلمات جعلت قلبها يخفق بجنون لم تعتاده ابداً

مايكونش ده الي اسمه الهوا

الي ملوش في الكون دوا

ياهنا الي بيه قلبه انكوى



دار حكاوى الكتب

FB.HAKAWELKOTOB.COM

مايكونش ده الي اسمه الهوا

ايه ياترى ياهل ترى

مالي كدة متغيرة

مالها كدة متغيرة

قلبي انخطف لوني اتقطف

معرفش ليه متحيرة

معرفش ليه متحيرة

حاسه بهنا حتى وانا

لسه في ايام امنى..ورده بنداها صغيرة



دار حكاوى الكتب

FB.HAKAWELKOTOB.COM

ولا عمري يوم دوقت الهوا
مايكونش ده الي اسمه الهوا

انا شايفه كل الكون فرح
انا خايفه عقلي يكون سرح
وسمعت ناس بتقول ده كاس
داير وباب دنيا انفتح

اعمل حجاب واقرا الكتاب
القاء يقول السهم صاب
لكن خلاص قلبي انجرح



دار حكاوي الكتب

FB.HAKAWELKOTOB.COM

وموڪب الحب انطوى

لازم ده اهو الي اسمہ الہوا

....

اغمضت عيناها ووضعت يدها على النبض الخافق.. عاد قلبها لان
يخفق من جديد.. وهي من ظنت انه توقف منذ زمن.. كان تجمد ولن
يذوب جليده للابد.. فتحت عيناها ابتسمت وهي تهمس: لازم ده اهو

الي اسمہ الہوا

ركضت عبر لغرفتها هي وادهم وفتحت الباب ودلفت واغلقت
الباب خلفها بسرعة وهي تهمس: الحق يا ادهم

انتفض ادهم ونظر لها بقلق قائلاً: في ايه



دار حكاوى الكتب

FB.HAKAWELKOTOB.COM

هتفت عبير:ضحى..ضحى بتسمع اغاني

رفع ادهم احدى حاجبيه وهتف بحده:خضتيني انا قلت في مصيبة

عبير باستنكار:بقولك بتسمع اغاني..ضحى بتسمع اغاني دي مكنتش

بطيق تسمع اي موسيقى حتى التليفزيون مكنتش بتتفرج عليها

مكنتش بتعمل حاجة غير انها بتقرأ بس

زفرت ادهم وجلس يحدق امامه بشرود..حقاً الامر يثير

الدهشه..كيف لضحى ان تسمع موسيقى فهي كانت تكرها

بشده..حتى انها كانت تتشاجر مع حبيبة دائماً بسببها..ضيق عينيه

وهو يفكر منذ متى تغيرت بهذا الشكل؟..نعم منذ ان تعرفت اليه

من غيره بحياتها؟..يخشى عليها هو يثق فيها لكنه ايضاً لا يستطيع ان

يثق في عمر بهذه السهوله هو لا يعرفه مثلما يعرف والده

حامد..شعر بالقلق عليها لكنه لا يريد ان يتدخل في حياتها



دار حكاوى الكتب

FB.HAKAWELKOTOB.COM

الخاصة..منذ سنوات وهو يسعى لكي تخرج من قوقعتها..ان يهدم
 ذلك الحائط الذي بنته حول نفسها حتى لا يستطيع احد ان يقتحم
 حياتها باي شكل من الاشكال..تنهد بضيق وهو يقول في نفسه "ربنا
 يحميكي ياضحى"

في منتصف نهار اليوم التالي كانت تجلس مع ياسمين في حديقة
 المنزل..كانت ضحى جميلة بكل ما في الكلمة..كانت ترتدي بنطال من
 اللون الاسود وبلوزة بيضاء بها ورود من اللون النبيذي..رسمت عينيها
 بالكحل الاسود الفاحم كان يعطي لعينيها جاذبية مع لونهما الازرق
 الذي بدى وكأنه بحر صافي ليس جليداً كما كان من قبل..اما شعرها
 الاسود فقد جمعته في جديلة طويلة وتركتهما لترتاح على كتفها
 الايمن..لاحظت ياسمين ذلك الطفيف على ضحى فنظرت اليها بتفحص
 قائلة:هو ايه الموضوع؟



نظرت لها ضحى بتعجب:موضوع ايه؟

ياسمين:يعني شايفه تغير غريب في اللبس وكمان اول مرة اشوفك
حاطه كحل

ارتبكت ضحى وهتفت بتوتر:عادي يعني تغير

ياسمين بعدم اقتناع:اه تغير..طب مش واخد بالك من حاجة

زفرت ضحى بنفاذ صبر قائلة:حاجة ايه ما بلاش الغاز

ضحكت ياسمين وكادت ان تتحدث لكنها صمتت عندما رأت عمر
يقترّب منهما بابتسامته الجذابة ولم يزيح عينيه عن ضحى..هو لم
يكن وسيم لكنه جذاب..شئ ما في ملامحه تجعل كل من يراونه
ينظرون اليه..كانت عينيه بلون البني الغامق وشعره اسود وبشرته
السمراء الذي تشبه والده لحد كبير..طوله متوسط لكنه يفوق طول
ضحى بكثير فهي قصيرة القامة مما يجعلها تصل لكتيفيه..عندما وصل



اليهما اخفضت ضحى بصرها وظلت تفرك يديها بتوتر لفت
انتباهه.. انحنى وطبع قبله على شعر شقيقته قائلاً: عاملة ايه؟

ياسمين بابتسامة: كويسة انت كويس

اوماً عمر بابتسامة ونظر لضحى قائلاً: ازيك يا ضحى

رفعت رأسها ببطء حتى التقت عيناها خفق قلبها عندما رأت
ابتسامته فهمست: الحمد لله

نهضت فجأة واخذت حقيبتها قائلة: انا ماشيه

نظرت لها ياسمين قائلة بتوسل: لا يا ضحى اقعدى معايا شوية

ضحى: معلىش والله مش هينفع اتأخر اكر من كدة.. عن اذنكم

هتف عمر فجأة: استنى هوصلك

هزت رأسها بالرفض قائلة: لا شكراً



ابتسمت ياسمين قائلة: خليه يوصلك يا ضحى عشان متمشيش
لوحذك.. ومتخافيش مش هيخطفك اخويا مؤدب

ضحك عمر بينما احمرت وجنتي ضحى بخجل واشاحت بوجهها وهي
زفر بغیظ.. اقترب منها عمر قائلاً: اهي قالتلك انا مؤدب خالص

ابتسمت بخجل رغماً عنها وهمست: طيب

اوقف سيارته امام كورنيش النيل.. في نفس المكان.. نظر له بتعجب
وقالت: وقفت هنا ليه

ابتسم دون ان ينظر اليها قائلاً: اصل الي بحبها بتحب تيجي هنا
ترجل من السيارة وتركها خلفه قلبها يكاد يخرج من مكانه بسبب
خفقاته السريعة.. ترجلت هي الاخرى واقتربت منه قائلة: وهي فين
الي بتحبها دي

ابتسم وهو ينظر لعينيها قائلاً: انتي



الفصل الرابع

اتسعت عيناها بدهشه وتسارعت خفقات قلبها حتى شعرت انه
سيسمعه.. اخذت تتنفس بسرعة وصدرها يعلو ويهبط
وهمست: ايه؟ اقترب منها حتى اصبح على بعد مسافة قليلة منها
وهمس: بحبك..

ابتلعت ريقها وهزت رأسها ببطء بعدم تصديق.. عمر يحبها؟ عمر
يحبها.. يحبها مثلما تحبه.. هي كانت تظن ان قلبها قد مات ودفن مع
والديها.. لكن منذ ان رآته تغير كل شئ.. حتى الجليد الذي كان يحيط
قلبها.. ذاب من نظره واحده منه.. من نظره واحدة لعينه اذابت
الجليد الذي كان يغلفهما.. الجليد الذي جعل قلبها مثل
الحجر.. دموعها التي لم تسقط منذ زمن.. سقطت الان.. انهمرت بغزاره



وهي مازالت تهز رأسها بعدم تصديق.. كانت دموع فرحة.. بعدما دفنت قلبها وجعلته متجمد لأنها كانت تظن انها من المسحيل ان تحب لكنها لم تكن تعلم انه سيظهر في حياتها.. لم تكن تعلم انها ستبكي مرة اخرى.. لكنها بكت الان.. دموعها الذي انهمرت من عينيها رغم البريق الذي ظهر فيهما رغم ان الجليد قد ذاب منهما الا انه عقد حاجبيه وهمس: ليه الدموع

ابتسمت وهي تغمض عينيها قائلة: مش عارفه

رفع انامله مسح بدموعها ببطء فظلت هي مغمضة لعينيها لتستمتع بلمس يديه على وجنتها لا تعلم ما سر تلك الرعدة التي اصابته جسدها عندما لمسها.. شعرت بوجنتيها تشتعل.. ليست وجنتيها فقط بل جسدها كله.. زفرت نفساً دافئاً ببطء واشاحت بوجهها بعيداً عنه.. امسك ذقنها وادار وجهها لتنظر اليه وهمس: متبعديش عينك عني.. بحب اشوفهم



اخفضت عيناها بخجل وابتسامتها تتسع فهمس: انا عارف انك
بتحبيني..

خفق قلبها من جديد وعقدت حاجبيها وهي تعود بنظرها اليه
فاكمل: عينك قالتلي كدة.. وعينك مبتكدبش

لا تعرف اين ذهب صوتها.. تريد ان تجيبه تقول انها تحبه.. لا بل
تعشقه تكاد تذوب عشقاً فيه.. فهو من استطاع ان يذيب جليد
قلبها.. وهو من اعاد اليه نبضه الذي توقف.. اما عمر فظل ينظر اليها
بعينه الذي تشع حناناً وحب.. كانت صامته لكن عينيها تحكي الف
حكاية.. عينيها تطمئننه بانها تبادله نفس المشاعر.. فلتت منه ضحكة
صغيرة جعلتها تعقد حاجبيها قائلة بابتسامة: بتضحك ليه؟

عمر بابتسامة: محدش يصدق اني احب البوتجاز الي انفجر في وشي في
اول مقابلة



ضحكت وهي تضع يدها على شفتيها حتى تكتم ضحكتها
وهمست: انت لسه فاكر

عمر بهرح: وهي دي حاجة تتنسي ده انتي كان ناقص تدينني بالقلم
ضحى ببرود مصطنع: حد قالك تعلي صوتك في المستشفى وكمان قلت
عليا قليلة الادب

ضحك عمر قائلاً: انتي قولتي اني مش محترم
اشاحت ضحى بوجهها وهي تبتمسم.. اغمضت عينيها وهي
تهمس: الجو حلو اوي.. مع اني بحب الشتا اكر وكمان لو بالليل
عمر: فعلاً الشتا بالليل احلى بكثير.. شعرك احلى منه
تنهدت بخجل وهي تعبت بجديلتها نظرت اليه قائلة: ممكن تروحني
عشان اتأخرت

اقترب عمر منها قائلاً: طب مش عايزة تقولي حاجة



ضحى بعدم فهم: حاجة زي ايه؟

عمر بابتسامة:اي حاجة بحبك مثلاً

ابتسمت بخجل وهي تبتعد عنه متجهه للسيارة فضحك وهو يلحقها

واستقل السيارة قائلاً:ماشي هتروحي مني فين؟

دلفت للمنزل وبسعادة..عينها يفضحانها بشده وهي تشع فرحاً

واضحاً..لم تستطيع ان تسيطر على ابتسامتها واو حتى تخفيها..كان

الوقت مازال مبكراً على عودة خالها وزوجته وحببية من عند

جدتها..فهي رفضت الذهاب اليوم وتعللت بالعمل..اتجهت لغرفتها

وهي تدندن بسعادة..

ياما سهرانه ليلي

من حنين عيني لعينيه

قلبي مكنش في يوم على باله



دار حكاوي الكتب

FB.HAKAWELKOTOB.COM

يحصل ابداً كل ده فيه

من اول ما قبلته شغلني

ولاقيت روعي بتجري عليه

الغرفة وظلت تدور حول نفسها..دخلت حبيبة وراءها وهي تنظر

اليها بتعجب..لم تنتبه لها ضحى وظلت ترقص وهي تدندن

كل ما اشوفه قصادي

بحس كأني فراشه وطايرة لفوق

وان انا ليا حقوق في الدنيا

ودنيتي ليها عليا حقوق

وان مفيش اجمل من فرحة

لقا بيجمع بعد الشوق



دار حكاوي الكتب

FB.HAKAWELKOTOB.COM

.....

صفقت حبيبة بيدها فانتفضت ضحى ونظرت اليها وهي تضع يدها
على صدرها وقلبها يخفق بفزع وهتف: يخربيتك خضتيني.. انتي
جيتي امتى؟.

قلدتها حبيبة وهي تهز كتفها قائلة: من ساعة.. "كل ما اشوفه قصادي
بحس كأني فراشه وطايرة لفوق"

جلست ضحى على الفراش وهي تلتقط انفاسها فاقتربت منها حبيبة
وجلست بجانبها على الفراش قائلة: نفسي افهم ايه الي حصلك

هربت ضحى بعينيها وهي تهتف مغيرة الموضوع: جيتوا امتى
حبيبة: انا مروحتش اصلاً كنت تعبانة الصبح قولتلهم روحوا انتوا

ضحى: طيب اطلعي برا بقى

حبيبة باصرار: مش هخرج الا لما اعرف مين هو



دار حكاوى الكتب

FB.HAKAWELKOTOB.COM

عقدت ضحى حاجبيها قائلة: هو مين؟

حبيبة وهي تراقص حاجبيها: الي لما بتشوفيه بتبقي فراشه

امسكت ضحى بالوسادة وضربتها وهي تصرخ بغیظ: اطلعي برا يا

رخمه برااا

ضحكت حبيبة وركضت خارج الغرفة وهي تضحك بصوت عالي

قائلة: طب والله لاقول لبابا

زفرت ضحى بحنق وهي تغلق الباب في وجهها والقت بنفسها على

الفراش وتفكر في عمر.. اخذت تتذكر كل كلمة قالها.. حتى ابتسامته

وهو يهمس لها "بحبك" اغمضت عينيها وهي تهمس: وانا كمان بحبك

بحبك اوي

....

في غرفة حبيبة



دار حكاوي الكتب

FB.HAKAWELKOTOB.COM

جلست على الفراش تفكر في ذلك التغير الغريب في شخصية ضحى.. فهي اصبحت شخصاً اخر.. من كان يصدق ان ضحى تتضحك وتمزح.. حتى ذلك البريق الذي ظهر حديثاً في عينيها.. تنهدت حبيبة وهي تفكر "اكيد ده حب".. اخذت هاتفها من على الفراش واتجهت لغرفة ضحى مرة اخرى وطرقت الباب ثم دخلت. وكانت ضحى قد بدلت ملابسها.. نظرت لها ضحى قائلة: عايزة ايه يا حبيبة

اقتربت منها حبيبة وقالت: عايزة اقعد معاكي كانت تتوقع منها الرفض لكن على غير العادة ابتسمت ضحى قائلة: تعالي

اتسعت عيناها بدهشه وهي تهتف: بجد!!

ضحى: اه بجد

جلست حبيبة على الفراش وصمتت قليلاً ثم قالت: اتغيرتي اوي مين



كان يصدق ان دي انتي

ابتسمت ضحى بشرود: فعلاً مين كان يصدق؟

نظرت لها حبيبة وقالت: مرتاحة كدة

قالت مازالت ابتسامتها تزين ثغرها: جداً.. حاسه نفسي عايشة

ابتسمت حبيبة قائلة: مبسوفة انك بقيتي تقعدى معانا.. انا بحبك

اوي

ابتسمت ضحى وهي تضمها قائلة: وانا كمان بحبك اوي

....

انتصف الليل.. خلد الجميع للنوم ماعدا هو.. كان يجلس في شرفة

غرفته.. يتذكر ابتسامتها.. خجلها.. بريق عينيها.. حتى شعرها.. تنهد وهي

يتخيل شعرها الاسود وهو منسدلاً على ظهرها مثل السماء

المظلمة.. ابتسم وهو يتذكرها يستمع لكلمات نزار قباني بصوت



دار حكاوى الكتب

FB.HAKAWELKOTOB.COM

القيصر "كاظم الساهر"..كم يتمنى لو يأتي الصباح سريعاً حتى يراها..يستمتع بالنظر لعينيها..لوجنتيها عندما يصغهما اللون الوردي عندما تخجل..جاء له فكرة في تلك اللحظة فامسك هاتفه واخرج رقمها الذي سرقه من هاتف شقيقته دون ان تعلم..وبداً في كتابة الرسالة

دلفت لغرفتها بعدما خلد جميع من في المنزل للنوم..قررت ان تنام هي الاخرى..تمدت على الفراش واغمضت عينيها لتظهر صورته امام عينيها..ارتسمت ابتسامة على ثغرها وهي تتنهد بحب..رن الهاتف معلناً عن وصول رسالة جديدة..عقدت حاجبها بتعجب فهي لم تعتاد ان يرسلها احد ابداً..التقطت الهاتف وفتحت وفتحت الرسالة لتبتسم وهي تقرأ ما كتب بها



دعي..ضفائك السوداء قاتلتي

ولا تكوني معي يائساً ولا امل

وقاوميني بما..أوتيتي من حيل

اذا اتيتك كالبركان مشتعل

احلى الشفاه التي تعصي

واسوأها..تلك الشفاه التي

دوماً تقول بلى

كرمال هذا الوجه والعينين

قد زارنا الربيع مرتين

كرمال هذا الوجه والعينين

يارب..قلبي لم يعد كافياً



دار حكاوي الكتب

FB.HAKAWELKOTOB.COM

لان من أحبها تعادل الدنيا

فضع بصدري واحدً غيره

يكون في مساحة الدنيا

"بحبك"

"عمر"

اتسعت ابتسامتها وضمت الهاتف لصدرها وهي تهمس بحب:بحبك

اكثر

مر اسبوع..كادت ان تطير من السعادة..فعمر كان يأتي للمنزل مبكراً

حتى يجلس معها هي وياسمين..وفي نهاية اليوم يعيدها لمنزلها..لم



دار حكاوي الكتب

FB.HAKAWELKOTOB.COM

يتحدثا في الهاتف مطلقاً وكانت هذه رغبة ضحى.. لكنه لم يكف عن
 مراسلتها كل يوم.. وايضاً الذي اسعدها ان ياسمين اصبحت تستطيع
 ان تمشي وحدها بدون العكازين رغم العرج البسيط لكنه تقدم
 واضح وفي فترة قياسية.. لكن لم تمر الايام بدون ان تلقي عليها هالة
 كلماتها التي تثير غضبها لكنها تتماسك ولا تجيبها من اجل عمر ,
 ..وفي اليوم الثامن ..انتصفت الشمس السماء.. استأذنت ياسمين لتعود
 لمنزلها.. ودعتها وخرجت من بوابة المنزل وهي تشعر بالحزن فهي لم
 تراه اليوم.. ولم يخبرها مما اثار غضبها منه.. وقفت تنتظر سيارة اجرة
 وبعد دقائق وجدت سيارته تقف امامها وينظر لها من النافذة
 قائلاً: اركبي

اشاحت بوجهها ولم تنظر اليه وظلت تنظر للشارع الفارغ لعلها تجد
 سيارة اجرة.. شعرت به فجأة يقبض على معصمها ويدخلها
 السيارة... الجمت المفاجأة لسانها وهي تنظر اليه بتعجب وهي



يستقل بجانبها وينطلق بسرعة.. ساد صمت كئيب كان يختلس النظر
اليها ولاحظ ملامحها الغاضبة.. ابتسم رغماً عنه فهو يعلم انها غاضبة
لانه لم يأتي للمنزل ولم يخبرها ايضاً.. اوقف السيارة في شارع فارغ
والتفت اليها قائلاً: وحشتيني

رغم قلبها الذي كان يخفق بعنف الا انها لم ترد عليه ولم تنظر اليه
حتى.. تنهد عمر قائلاً: انا اسف

التفتت اليه وهي تنظر اليه بلوم فابتسم قائلاً: والله غصب عني كان
عندي شغل كثير وموبايلي كان في العربية

ضحى: طيب

زفر عمر قائلاً: عشان خاطري متزعليش سماح المرة دي

تنهدت ولم تعقب فاقترب منها بوجهه وهمس بجانب اذنها: طب
تحبي اصالحك



دار حكاوي الكتب

FB.HAKAWELKOTOB.COM

نظرت له بطرف عينيها فاقترب اكثر وكاد ان يقبل وجنتها فشهقت
وهي تنكمشي مقعدها حتى التصق ظهرها بالباب وهمست: انت
قليل الادب

ضحك عمر وهو يبتعد قائلاً: طب اعمل ايه مش لازم اصالحك
ضحى بغيط: قليل الادب برضه

نظر لها قائلاً بخبث: كدة قليل الادب! امال لو خدتك في حضني
هتقولي ايه

ضحى: هديك بالقلم

عمر ضاحكاً: ده مجرد حزن بريئ قلة الادب هأجلها لبعد الجواز
شهقت بخجل واحمرت وجنتيها بشده.. رأّت انه تجاوز حدوده
فهتفت بصرامة: عمر!! لو سمحت مبحبش الكلام ده

ابتسم عمر قائلاً: خلاص اسف.. سامحيني بقى ده انا عمر حبيبك



دار حكاوي الكتب

FB.HAKAWELKOTOB.COM

ابتسمت ضحى وهي تشيح بوجهها قائلة: خلاص سامحتك

ابتسم عمر وهو يهمس: طب قوليلي بحبك

ضحى بخجل: لا

ضحك عمر وهو يدير محرك السيارة وقال: اعملي حسابك بكرا اجازة

ليكي

عقدت حاجبيها قائلة: اشمعنا

عمر: هتقضي معايا اليوم بكرا.. وبعدين ياسمين الحمد لله اتحسنت

كثير

همست ضحى بتردد: بس خالو

صمت عمر قليلاً ثم قال: مش هيحصل حاجة ده يوم قوليله انك

خارجة مع ياسمين



صمتت ضحى وهي تفكر..هي لم تكذب على خالها قط..قاطع عمر
افكارها قائلاً: انا عارف انك مش عايزة تكدي عليه..انا عايز اتقدملك
بس مستني ياسمين ترجع لحالتها الطبيعية ووجودي جانبها
بيفرق..يكن بتضحك وتهزر معانا بس كل يوم بسمعها بتعيط
لوحدها..عايزها تفوق بقى

شردت ضحى وهي تقول بحزن:الي حصلها مكنش قليل يا
عمر..ياسمين اتجرحت جامد..لما بيتكسر فيك حاجة مش بالساهل
ترجع زي الاول

تنهد عمر بحزن قائلاً:عشان كدة مش عايز ابعد عنها..انا عارف اني
بظلمك معايا بس..

قاطعته ضحى قائلة:متقولش كدة يا عمر..ياسمين اختي وانا مستحيل
افكر في سعادتي على حسابها هي..



عمر بابتسامة: يعني ايه؟

ضحى بابتسامة شاردة: هستناك يا عمر لآخر العمر

اتسعت ابتسامته قائلاً: هفضل احبك لآخر العمر

.....

اليوم التالي.. كان يوم عيد مولدها.. ونفس اليوم الذي فقدت فيه والديها.. كان هذا اسوأ ايام حياتها كانت تكره ذلك اليوم بشده.. ولكنه الان مختلف فعمر اصبح معها.. اخبرت خالها انها ستخرج مع ياسمين ولم يعارض.. كان عمر ينتظرها قرب المغرب بعيداً عن المنزل حتى لا يراها احد.. استقلت السيارة بجانبه التفت اليها عمر كانت تركت شعرها منسدلاص على ظهرها ولم تضع اي شيئاً من ادوات الزينه سوا الكحل الاسود الذي رسمت به عينيها ليرز جمالهما.. كان يتأملها ثم ابتسم قائلاً: وحشتيني



دار حكاوي الكتب

FB.HAKAWELKOTOB.COM

اخفضت بصرها بخجل ولم تجيب ادار عمر محرك السيارة
قائلاً: هوديكي مكان حلو

ضحى باهتمام: فين؟

عمر بابتسامة: هتعرفي لما نوصل

.....

بعد قليل اوقف عمر سيارته في مكان امام شاطئ النيل ترجل من
السيارة وفتح لها الباب لتخرج..نزلت من السيارة..احتضن كفها
بكفه وجذبها لتمشي معه..اقتربا من مركب شراعيه ونظر اليها
قائلاً: يالا اركبي

كانت تنظر اليه مبتسمة بدهشه فجذبها وهو يضحك قائلاً: يالا متنحه
ليه

ضحكت واستسلمت لكفه الذي يحتضن كفها ومشت خلفه..وصلا الى



دار حكاوي الكتب

FB.HAKAWELKOTOB.COM

المركب فصعد وساعدها لتصعد هي الاخرى..بعد قليلاً كانت المركب
 الشراعية مستقرة في منتصف النيل..كانت الشمس تغرب..كانت
 ضحى تنظر لقرص الشمس بابتسامة شاردة..كان يتأملها وشعرها
 يتطاير حولها بفعل الهواء وجد نفسه يُخرج هاتفه ويلتقط لها
 صورة..اقترب منها وهمس بجانب اذنها: كل سنه وانتي معايا



دار حكاوى الكتب

FB.HAKAWELKOTOB.COM

الفصل الخامس

التفت اليه لتنظر لعينه بدهشه وجدته مبتسماً ابتسامه
ساحرة.. فهمست: عرفت منين؟

عمر: عيب تسألني السؤال ده.. من يوم ما حببتك وكانت شغلتي اعرف
كل حاجة عنك حتى تاريخ ميلادك

كانت تنظر اليه مبهورة.. لم تكن تتخيل انه يعلم يوم
مولدها.. ووجدته يضع يده بداخل جيبه ويخرج علبة من اللون
الاحمر.. فتح العلبة ليظهر لها سلسال من الذهب رقيق.. كانت على
شكل قلب.. نظر اليها وقال بهمس: خليني البسها لك

استدارت ورفعت شعرها.. البسها السلسال فامسكت القلب الذي تدلى
منها وجدت مكتوباً عليه "بحبك" والجهه الاخرى "عمر" همس لها



بصوته الدافئ: متقلعهاش ابدأ..

التفتت اليه ونظرت اليه بحب وقالت بابتسامة: حاضر

ثم اخرج من جيبه سلسال اخر من الفضة يتدلى منه قلب اخر.. قربه

من عيناها لتجده مكتوباً عليه اسمها.. اتسعت ابتسامتها عندما

قال: وده هي فضل معايا عشان كل ما توحشيني ابصله وافتكرك

دمعت عيناها بسعادة قائلة: ربنا يخليك ليا

صمتت قليلاً ثم نظرت اليه قائلة بجدية: عمر عايزة اقولك حاجة

عمر: قولي

ضحى: مينفعش تمسك ايدي.. ياريت متعملهاش تاني

ابتسم عمر قائلاً: حاضر.. نفسك في ايه

صمتت ضحى وهي تفكر ثم قالت: وديني البر الثاني



دار حكاوي الكتب

FB.HAKAWELKOTOB.COM

عمر: اشمعنا

ضحى: وديني بس وهوريك حاجة هتعجبك

اوماً عمر ثم نظر للرجل الذي معها على المركب وصاح: ودينا البر

التاني ياريس

اوماً الرجل بابتسامه فنظر عمر اليها قائلاً: لحد ما نوصل تعالى كلميني
عن نفسك شوية

اومات وجلست فجلس بجانبها وبدأت تحكي له وهي تسترجع

ذكرياتها: انا اسمي ضحى حسن.. والدي كان رجل بسيط وكان يحب

امي جداً طبعاً مكنش سهل انهم يتجوزوا لانه كان مستواه المادي اقل

منها بكثير.. جدي كان مهندس ووالدي كانت محاسبه.. ووالدي كان

سواق تاكسي فكان صعب انه يتجوزها بس هي صممت لحد ما جدي

وافق.. واتجوزوا وخلفوني بعد 4 سنين من اللف على الدكاترة وكل



دار حكاوي الكتب

FB.HAKAWELKOTOB.COM

واحد يقولهم سبب غير الثاني..جدي اتوفى بعد ما اتولدت بسنه لكن
جدي هي الي عايشة..كلهم مكنوش بيحبوا بابا عشان كدة مكنش
بنشوفهم غير في المناسبات..لحد ماتمت 14 سنه في نفس اليوم الي
الموت سرقهم مني فيه

غامت عيناها بتلك الذكرى الحزينة وامتلات عيناها بالدموع:ماتوا
سبوني..عشان اكتشف وقتها قد ايه اهل امي بيكرهوني لمجرد ان ابويا
كان سواق ,نظرت له وقد انسابت دمعته على وجنتها وهمست بينما
هو شعر بقبضه تعتصر قلبه لدموعها:بابا مكنش غني..مكناش
عاشين في بيت كبير..بس كنا مبسوطين..بيتنا كان فيه دفي
وحب..وجودهم بالنسبالي كان الدنيا وما فيها..

صمت وقد اختنق صوتها ووهي تتذكر والدها وحنانه وحبها لها
ولامها..كان يسعى لتحقيق كل ما تتمناه..تنهد عمر قائلاً:الله
يرحمهم



اردفت قائلة: قلبي مات يوم ما سبوني.. حسيت ان عايشة من غير
روحي.. كل حاجة لونها بهت في عيني.. كنت فكراه بطل يدق من
زمان.. لحد ما شوفتك

ابتسم عمر وهو ينظر اليها لتكمل بجرأة لا تعرف من اين اتت
اليها: انا كنت تايهه في وسط الموح واخيراً رسيت على بر.. انت
مرسايا.. بحبك

لم يستطيع ان يصف شعوره الان... لقد قالتها.. رغم انه تألم من
اجلها.. لكنه عزم على ان يعوضها على كل لحظة آلم مرت بها في
حياتها.. سيجعلها تنسى كل شئ سيبدل كل جهده حتى يجعلها اسعد
امراً في العالم.. همس عمر: مفيش حاجة في الدنيا توصف حبي
ليكي.. لما ببص لعيونك بحس اني بشوف بحر بغرق فيه ومش عايز
نجاه



ضحى: انت ربنا عوضني بيك عن كل اللي اتحرمت منه.. اوعى تسيبني
ابداً.. متخلش قلبي يموت من تاني

عمر بابتسامة: مستحيل اسيبك انتي الوحيدة الذي قدرت تدخل
قلبي.. بحبك وبعشق كل تفاصيلك.. نظرة عينك.. ابتسمت
كسوفك.. حتى شعرك بحبه

ابتسمت بخجل وهي تهمس: ربنا يديمك في حياتي
عمر بابتسامة: ويديمك ليا

بعد لحظات توقفت المركب في البر الثاني من شاطئ النيل.. نزلوا من
المركب لينظر عمر للارض الزراعية الخضراء.. ظل ينظر حوله عاقد اص
حاجبيه بتعجب.. كأنهما ذهبوا لعالم اخر.. ضحكت ضحى لعلامات
الدهشة التي كانت على وجهه وقالت: تعالى يا عمر

عمر بتعجب: على فين؟ اوعي تخطفيني



ضحكت ضحى قائلة: متخافش.. هوديك مكان عمرك ما هتنساه

استسلم لرغبتها هذه المرة ومشى معها حتى بدأت منازل قديمة بسيطة تظهر.. شوارع ضيقة واطفال يلعبون الكرة امام منازلهم.. كان عمر مبهوراً بذلك المكان الذي يراه لأول مرة بحياته.. كانت ضحى تنظر اليه من وقت لآخر وتبتسم.. اخيراً وصلا لاحد الشوارع.. لم يكن شارعاً بل كانت احدى الحارات لكنها واسعة.. وقفت ضحى تنظر لها باشتياق.. حقاً لقد اشتاقت كثيراً لها المكان الدفئ.. حتى عمر نفسه كان ينظر للمنازل القديمة والاطفال.. حتى القهاوي الذي يجلسان الناس عليها بابتسامة كانوا يرتدون ملابس بسيطة للغاية.. بعضاً منهم يظهر على ملامحه الطيبة.. التفتت اليه قائلة بابتسامة واسعة: انا بقى اتربيت هنا

عمر بدهشه: بجد!



دار حكاوى الكتب

FB.HAKAWELKOTOB.COM

اومأت قائلة:تعالى تعالى انت لسه مشوفتش حاجة

مشى بجانبها حتى توقفت امام محل بقاله...هتفت بابتسامة:عم

ابراهيم

التفت اليها ذلك الرجل الكبير..كان في منتصف الستينات تقريباً لديه

لحية بيضاء صغيرة ارتسمت على ملامحه معالم الطيبة وحنان الذي

ظهر في عينيه وهو يقترب منهما ويهتف بابتسامة:ضحى

ابتسمت ضحى قائلة:ازيك ياعم ابراهيم

ابراهيم:بخير يابنتي..فينك اختفيتي فجأة بعد ما كنتي بتيجي على

طول..7 سنين ياضحى

ضحى:معلش ياعم ابراهيم انشغلت في الدراسة بقى

هتف ابراهيم بحنين:يااه ياضحى..فات سنين كثير كأنها امبارح..لسه

فاكرك وانتي بتلعبى فوق سطح بيتكم وانتي لسه مكملتيش 10 سنين



دار حكاوى الكتب

FB.HAKAWELKOTOB.COM

ابتسم ضحى باشتياق ممزوج بحزن: كبرنا بقى

ابراهيم بحزن: الله يرحمه حسن.. كان راجل مفيش زيه.. كل الناس
كانت بتحبه

ضحى بحزن: الله يرحمه مكنش في احن منه

ابتسم ابراهيم وهو يربت على كتفها بحنان.. لفت انتباهه ذلك
الشاب الذي يقف بجانبها ويتابعهم بابتسامة فعقد حاجبيه وهو
ينقل نظره بينهما قائلاً: مين ده؟

تذكرت ضحى عمر الذي يقف بجانبها فنظرت اليه قائلة بارتباك: ده..

قاطعها عمر قائلاً: خطيبها

ابتسم ابراهيم قائلاً: مبروك يا بنتي اتخطبتي

ابتسمت ضحى بارتباك وهي تنظر لعمر الذي كان يبتسم لها
مطمئناً.. التفتت لابراهيم الذي قال: وردة وزينب يسألوا عليكى دايماً



دار حكاوى الكتب

FB.HAKAWELKOTOB.COM

هيفرحوا اوي لما يشوفوكي

ابتسمت ضحى قائلة:دول وحشوني اوي..لسه بيقعدوا على السطح
زي زمان

ابتسم ابراهيم قائلاً:ايوا بس دلوقتي معاهم اجوازهم وعامر كمان
اتجوز

ضحى:طب عايزة اشوفهم

ابراهيم:تعالى اوديكي ليهم

.....

بعد دقائق كانوا يصعدون الدرج بداخل ذلك المنزل القديم حتى
وصلوا لسطح المنزل..كان هناك ثلاث فتيات وثلاث رجال يجلسان
على الوسائد كبيرة على الارض..نظرت واحده منهم لضحى وصاحت
قائلة:ضحى!!!



دار حكاوى الكتب

FB.HAKAWELKOTOB.COM

ركضت واحتضنتها بقوه ثم ابتعدت عنها قائلة: مش معقول متغيرتيش
خالص

ضحى بابتسامة: ولا انتي اتغيرتي.. وحشتيني اوي يا وردة

وردة: وانتي كمان

اقتربت منهما فتاة اخرى وعانقتها قائلة: وحشتيني يا ضحى ايه الغيبه
الطويلة دي

ضحى: معلش يا زينب امهم اني شوفتكم

نظرت ضحى لعمر وقالت: ده عمر خطيبي , ثم نظرت للفتيات
قائلة: وردة وزينب ولاد عم ابراهيم ومتربين مع بعض

ابتسم عمر قائلاً: اهلاً بيكوا

بعد قليل كان عمر قد تعارف على سامح وممدوح ازواجهم وعامر
شقيقهم وتعارفت ضحى على جنة زوجة عامر.. وايضاً هاتف خالها



دار حكاوي الكتب

FB.HAKAWELKOTOB.COM

واخبرته انها ذهبت لمنزلها القديم ومن الممكن ان تتأخر قليلاً اعترض قليلاً لقلقه كيف ستعود لكنها طمئنته ان ابراهيم سيوصلها حتى البر الاخر وستستقل سيارة اجرة وتعود..اعترض ادهم في البداية لكنه خضع لرغبتها في النهاية مع توصيته لها بان تحرص على نفسها وتهاتفه من وقت لآخر..جلسوا جميعاً على الارض..جلست ضحى بجانب الفتيات وعمر مع الشباب..هتفت ضحى قائلة:المكان متغيرش من 7 سنين لسه زي ماهو..حاسه اني رجعت ثانوي ثاني

ابتسمت وردة قائلة:دخلتي كلية ايه بقى ياضحى

ضحى:خلصت كلية تمريض

زينب:كانت امنيتك من وائتي صغيرة تكوني ممرضه

ضحكت وردة قائلة:ولما كنا نلعب واحنا صغيرين كنتي دائماً واخده

دور الممرضة



دار حكاوي الكتب

FB.HAKAWELKOTOB.COM

ضحكت ضحى قائلة: اهو كنت بحلم والحلم اتحقق

تدخل عامر قائلاً: مكنش يحلالكم اللعب غير وانا بذاكر

ابتسمت ضحى قائلة: مفيش حد كان يذاكر المواد قبل الدراسة ما تبدأ

بشهرين

ضحك عامر قائلاً: كنت عبقرينو بقى

ضحكت ضحى بشدة فرمقها عمر بنظرة مشتعلة فخفت ضحكتها

وابتلعت ريقها.. نظر ممدوح لعمر قائلاً: وانت بتشتغل ايه يا استاذ

عمر

عمر بابتسامة: انا عندي شركة استيراد وتصدير صغيرة

ممدوح: ماشاء الله ربنا يوفقك

عمر: شكراً



دار حكاوى الكتب

FB.HAKAWELKOTOB.COM

زينب:فاكرة لما كنا بنقعد هنا ووردة تغني وعامر يفضل يزعق
ويقولها صوتك وحش

ضحى:طبعاً,ثم نظرت الى وردة قائلة:لسه بتغني

هزت وردة كتفيها قائلة بخجل:يعني مش كثير

ضحى:طب غني نفسي اسمع صوتك من زمان

نظرت وردة لسامح زوجها بتردد الذي اوماً لها بابتسامة فتنهدت
قائلة:هغني الاغنية اللي كنا بنسمعها دايماً مع طنط هدى الله
يرحمها..بس بشرط غني معايا

ترددت ضحى قليلاً ثم ابتسمت بسعادة وهي تنظر لعمر الذي كان
مبتسماً بحب..بدأت وردة الغناء

....

حبيبي..حبيبي



دار حكاوي الكتب

FB.HAKAWELKOTOB.COM

ياشمس يا منواره غيبي
وكفاية ضيك يا حبيبي

ياشمس يا منواره غيبي
وكفاية ضيك يا حبيبي

وودي يالياي وجيبي
ولا الاقي زيك يا حبيبي

عمرك يا دنيا ما تخلي بي
طول ماهو ساكن في قولبي
عاشقاه وداب في دبادبي

عمرك يا دنيا ما تخلي بي
طول ماهو ساكن في قولبي

ومكتوبي هو ونصيبي
حبيبي..حبيبي



انا اللي ليل عمري غدر بي
اول ما شوفته الهوا دار بي

انا اللي ليل عمري غدر بي
اول ما شوفته الهوا دار بي

وقلبه دار واختار دري
شلمي في عينيه واتغندر بي
قولنا سوا يا جراح طيبي
حبيبي..حبيبي
حبيبي..حبيبي
بدأت ضحى الغناء مع وردة

حبيبي سيد روعي وقلبي
سيدي انا وسيد كل الناس

حبيبي سيد روعي وقلبي
سيدي انا وسيد كل الناس



مهما الزمان اتنقل بي
 شيله في قلبي قمر وناس
 في شبابي عاشقاه وفي شبيبي

حبيبي..حبيبي

لم تكن تدري انها كانت تنظر لعمر وهي تردد الكلمات..انتبهت
 عندما صفقوا لهم جميعاً..بعد فترة استأذن عمر ليذهب هو
 وضحى..ودعتهم ضحى مع وعد لهم بقاء قريب..تلك المرة
 استقلا "معدية" ليعودوا..كانت ملامحها تشع فرحاً..وصلا للبر الاخر
 واستقلا سيارة عمر..كانت تتابع الطريق بابتسامة..هتف عمر باسمها
 فنظرت اليه فقال:مبسوطة

همست ضحى:جداً..حاسه اني رجعت طفلة تاني..افتكرت بابا لما كان
 يدوار عليا وفي الاخر يلاقيني فوق السطح..افتكرت لما كان بيزعقلي لما



دار حكاوي الكتب

FB.HAKAWELKOTOB.COM

عشان بلعب فزق السطح وعامر موجود ويقول مفيش بنات بتلعب
 برا البيت ,ضحكت قائلة بدموع:مكنتش بسمع كلامه وكل مرة كان
 يزعلي اعيط يروح وخدني في حضنه..لحد ما فهمت انه خوف
 عليا..ولما عامر دخل الكلية وبطل يقعد على السطح بقيت بقعد انا
 ووردة وزينب بالساعات

نظرت اليه قائلة:عارف..بعد ما اتوفوا فضلت سنتين اروح يوم كل
 اسبوع على اساس اني رايحة المدرسة وافضل قاعدة فوق
 السطح..مفاتيح شقتنا مكنتش بسيبها في حته دايماً معايا..لحد ما في
 الوقت خدني وخالو فضل يدوار عليا وفي الاخر راح الشقة ولاقني
 نائمة هناك

كان عمر يستمع اليها مبتسماً حتى صمتت..نظر اليها قائلاً:هنبقى
 نيجي تاني اتفقنا



ابتسمت وهي تؤمئ قائلة:اتفقنا

كانت الساعة العاشرة والنصف عندنا دخلت للمنزل..عندما رآها
ادهم اقترب منها قائلاً:كل ده يا ضحى

ضحى:معلش يا خالو الوقت خدني بقالي سنين مروحتش هناك

دلفت لغرفتها واغلقت الباب خلفها وضعت حبيتها ثم جلست على
الفراش..احتضنت السلسال الذي ترتديه بكفيها وهي تبسم بسعادة
تتذكر احداث اليوم..اغمضت عيناها وهي تفكر ان الله قد عوضها
بعمر بعدما فقدت كل من تبقى لها في الحياة..لم تكن تتوقع انها
ستحبه بذلك الشكل..استسلمت للنوم بملابسها وبداخلها تدعو الله
ان يحفظ حبهما ولا يضيع منها مثل كل شئ..

مر ثلاثة اشهر عليهما..كل يوم يمر يزيد حيهما..كل ليلة كانت ضحى



دار حكاوى الكتب

FB.HAKAWELKOTOB.COM

تشعر انها وُلدت من جديد..كلما رأتَه تحمد ربها على ذلك الرجل..كانت دائماً تحافظ على الحدود بينهما..في تلك الايام تحسنت ياسمين كثيراً..اصبحت تستطيع السير وحدها..انتهت فترة علاجها وعادت ضحى للمشفى من جديد..لم تشعر ضحى بتلك السعادة من قبل..في تلك الفترة ايضاً تقربت ضحى من حسين وزوجته مي كثيراً..وكانت تذهب اليهما كل فترة..كانت قد تحاشت الذهاب لجدتها منذ فترة طويلة رغم اعتراض خالها لكنها كالعادة تتعلل بالعمل ,اليوم الخميس..تنهي عملها مبكراً..خرجت من المشفى لتجد عمر ينتظرها..ابتسمت تلقائياً وقلبها يخفق بجنون..وصلت لسيارته واستقلت بجانبه..ابتسم عندما رآها وقال:وحشتيني اوي

ابتسمت بخجل وهمست:وانت كمان..

قال عمر وهو يدير محرك السيارة:عايزة تروحي فين؟



دار حكاوي الكتب

FB.HAKAWELKOTOB.COM

همست بحب:اي مكان المهم اني معاك

انطلق عمر بسرعة والابتسامة لم تفارق شفتيهما..بعد نصف ساعة
كانا يجلسان في احد المطاعم امام النيل..كان عمر يجلس في الكرسي
الذي يليها اقترب منها وهمس بابتسامة:بتحلوي مش كدة؟

احمرت وجنتيها خجلاً واشاحت بوجهها مبتسمة فضحك عمر
قائلاً:ولما بتتكسفي بتحلوي اكرر

همست بخجل:عمر!

عمر بهمس دافئ:ياعيون وقلب وروح عمر

ضحى بابتسامة:انا مش عارفه بحبك كدة ازاي

تنهد عمر قائلاً:انا الي مش عارف انتي عملتي فيا ايه؟

ضحكت قائلة:معملتش حاجة انت الي عملت في نفسك



دار حكاوي الكتب

FB.HAKAWELKOTOB.COM

ضحك عمر ثم نظر لها متأملاً ملامحها الجميلة.. رأى فتيات اجمل
 منها بكثير لكنه يراها اجمل امرأة في الكون.. هي من استطاعت ان
 تسكن قلبه من اللحظة الاولى.. رغم قناع البرود الذي كانت ترتديه الا
 ان وراء ذلك القناع وجه ملائكي وقلب حنون ليس له مثيل.. من هم
 مثل ضحى عندما يسقطون في الحب يحبون باخلاص.. يحبون بكل
 كيانهم.. يعطون حناناً ببزخ.. من قال ان فاقد الشئ لا يعطيه.. لا فهو
 يعطيه وبقوه.. فضحى فقدت الحب في حياتها من عائلة والدتها مع
 ذلك احبت عمر بكل كيانه.. احبت كل شئ فيه.. نظرت ابتهامته حتى
 غضبه.. وحنانه الذي لم ترى مثله في حياتها بعد موت والدها.. فهو
 يستطيع ان يكون اب واخ وصديق.. وحبیب ايضاً.. اما هي فلم تكن
 تتوقع ان تجد من هو في حنان والدها وهاهي وجدته في عمر.. رمش
 بعينه عدة مرات ليفيق من شروده ثم قال بتعجب: هو انتي ليه
 مش محبة؟



تعجبت من سؤاله لكنها قالت بشرود: مش عارفه فكرت كثير البس
الحجاب بس بلاقي نفسي برجع في كلامي.. يمكن شايفه نفسي مش
مستعدة اني اتحجب

عمر: بس ده فرض.. ازاي عمو ادهم مخلص تلبسيه مع ان بنته
ومراته لابسين حجاب وشرعي كمان

تنهدت قائلة: انا مترددة

عمر: لا مش عايزك تترددي.. انا عايزك تلبسيه بس الالهة تكوني مقتنعه
ابتسمت ضحى قائلة: يبقى هلبسه

عمر: ضحى لو هتلبسيه يبقى عشان انتي عايزة كدة مش عشان
ترضيني

ابتسمت ضحى قائلة بحب: وايه يعني لما ارضيك.. بس ارضي ربنا الاول
صمتت قليلاً وهي تفكر في الامر الذي اردت ان تتحدث معه فيه



لكنها مترددة.. اخذت نفساً وزفرته ببطء ثم قالت: عمر عايزة اقولك
حاجة

عمر باهتمام: قولي

ضحى: عايزة نخط حدود لعلاقتنا

عقد حاجبيه قائلاً: ازاي مش فاهم..

ضحى: يعني مش عايزة يبقى في تجاوز ما بينا

عمر بدهشه: وانا تجاوزت حدودي معاكى؟؟!

ضحى: افهمني التجاوز مش بيبقى فعل بس.. اولاً انت مسكت ايدي

اكثر من مرة وده غلط لان ربنا قال "لأن يُطْعَنَ فِي رَأْسِ أَحَدِكُمْ مِخْطِ

مِنْ حَدِيدٍ خَيْرٌ لَهُ مِنْ أَنْ يَمَسَّ امْرَأَةً لَا تَحِلُّ لَهُ"، وكمان بنفضل باصين

لبعض وبرضه ربنا قال "بسم الله الرحمن الرحيم.. قل للمؤمنين

يغضوا من ابصارهم ويحفظوا فروجهم ذلك اذكى لهم ان الله خير بما



دار حكاوي الكتب

FB.HAKAWELKOTOB.COM

يصنعون" وكذلك للبنت "وقل للمؤمنات يغضضن من ابصارهن"

كان عمر ينظر لها مبتسماً بانهار من تلك الفتاة الذي تسير دهشته دائماً..وعندما انتهت حديثها اكمل هو قائلاً بابتسامة:ونسيتي "وليضربن بخرهن على جيوبهن ولا يبدین زینتهن" ,ثم هز رأسه قائلاً بتعجب:انتي تركيبة غريبة

ابتسمت قائلة بخفوت:مش معنى اني مش ملتزمة ولا محجة ابقى جاهله في الدين..أنا صحيح مش ملتزمة في الصلاة بس بحاول التزم عمر بشرود:وانا كمان

ضحى بابتسامة:خلاص يبقى هنساعد بعض ولا ايه رأيك
ابتسم عمر قائلاً:ان شاء الله..بس ليه قولتي الكلام ده دلوقتي
ابتسمت قائلة:عشان ربنا يبارك في حياتنا

.....



دار حكاوي الكتب

FB.HAKAWELKOTOB.COM

مر يومين اخبرها عمر انه سوف يفتح والده في امر خطبتها كادت ان تطير من الفرح وهي تنتظر ذلك اليوم الذي ستكون فيه معه بفارغ الصبر.. وهذا ما حدث اخبر عمر والده انه يريد ان يرتبط وفرح للغاية ووعدته بتحديد موعد مع ادهم ليتقدم لها رسمياً.. في اليوم التالي بعدما ذهب عمر لعمله اخبر حامد زوجته هالة عن رغبة عمر في الزواج من ضحى.. ثارت هالة ورفضت وتشاجرت معه كيف لابنها ان يتزوج من ممرضة وبعد الظهيرة خرجت من المنزل وذهبت لشركة عمر..

كان ادهم جالساً في مكتبه شاردأ.. علم منذ يومين بامر علاقة ضحى بعمر.. غضبه منها لم يكن مثل خوفه وقلقه عليها.. ضحى بريئة



دار حكاوى الكتب

FB.HAKAWELKOTOB.COM

وصافية..خائف من ان يكون عمر يلهو قليلاً..هو يعرفها جيداً..اذا
 كان عمر كما توقع فضحى ستنهار كلياً..ستتحطم باقية مقاومتها
 للانهار بعد فقدانها كل من تحبهم..كان يفكر هل يواجهها هي ام
 يواجهه عمر..ظل على تلك الحالة فترة طويلة حتى اتخذ قراره ونهض
 من خلف مكتبه وذهب لشركة عمر..

كان عمر في مكتبه يراجع بعض الاوراق الخاصة بالعمل..ويفكر هل
 والده اخبر ادهم ام لا لا؟..لم يعد يستطيع الابتعاد عنها..يريدها
 زوجته وحبيبته امام الله والعالم باجمعه..انتفض فجأة عندما فتح
 الباب ودخلت والدتها وقد بدا على ملامحها الغضب..نهض من خلف
 مكتبه واقترب منها عاقداً حاجبيه وقال: في ايه يا ماما

هتفت هالة بغضب: انت بجد عايز تتجوز البت الممرضة دي



هتف عمر بحدہ:ايه بت دي!! ايوا يا ماما انا بحب ضحى وهتجوزها
صاحت هالة بغضب:ده على جثتي انك تتجوزها..بقى على اخر الزمن
هتتجوز ممرضة وابوها كان سواق

عمر بحدہ:وايه يعني سواق ما احنا متولدناش كدة
هالة:انت مستحيل تتجوز البنت دي..لا هي مستوانا ولا تناسبك
عمر بتحدي:هتجوزها يا ماما ومش هتجوز غيرها..بحب ضحى
وعمري ما هتخلى عنها ابدًا

ازداد غضب هالة وصاحت قائلة:اقسم بالله يا عمر لو اتجوزت البنت
دي لاكون غضبانه عليك ليوم الدين

اتسعت عيناه بصدمه..ماذا قالت للتو؟..هز رأسه قائلاً:ايه يا ماما
حرام عليكي ليه عايزاني اتحرم من البنت الوحيدة الي حبتها..

هالة بهدوء:انا عايزة مصلحتك



عمر:مصلحتي مع ضحى

هالة:لا دي طمعانه فيك..شوف انت ايه وهي ايه!!!انا مستحيل

اخلي الجوازة دي تتم..انا قولتلك يا عمر واختار..يا انا يا هي

تهالك عمر على المقعد وصدرة يعلو ويهبط من كثر الغضب..لا يمكن

ان يحدث له ذلك..هو يعشق ضحى ولا يتصور انه من الممكن ان

يبتعد عنها..كان امامه خيارين ليس لهما ثالث..اما ضحى..او

امه!!!كانت هالة تنظر له بابتسامة انتصار فهي تعلم ابنها سيختارها

هي لا محالة..ما لم يعلمه ان ادهم كان يقف امام باب المكتب

واستمع لكل ما دار بينهما..هز رأسه بحزن ثم استدار عائداً من حيث

اتى وقرر ان يقابل حامد في المساء ليفكروا في حل يرضي الطرفين ,اما

عمر فقد توصل لحل..لأ يمكنه ان يخسر رضا والدته..نهض ونظر اليها

ونظرته ممزوجة ما بين الألم والضياع وهمس:مش هتجوزها..بس مش

هتشوفي وشي تاني



دار حكاوى الكتب

FB.HAKAWELKOTOB.COM

اتسعت عينا هالة بصدمه وهي تحاول ان تستوعب ما قال..اما هو
فلم يعطيها فرصه للتحدث وخرج من مكتبه وهتف لمساعدته
قائلاً: احجزيلي في اول طيارة رايحة دي..النهاردة

اومأت الفتاة اما عمر فقد خرج من الشركة واستقل سيارته وانطلق
مسرعاً كأنه في سباق مع الزمن...

.....

كانت تجلس في غرفتها في المساء..تحاول ان تهاتفه..فهو منذ الصباح
لا يجيب على اتصالاتها..شعرت بالقلق وانقبض قلبها دون ان تعرف
السبب..بعد عدة محاولات فتح الخط وجاءها صوته فهتفت
بقلق: عمر قلقتني عليك انت كويس

ابتلع عمر ريقه وهمس: كويس

ضحى: امال ليه مش بترد عليا من الصبح قلقت عليك



دار حكاوى الكتب

FB.HAKAWELKOTOB.COM

تنهد عمر ولا يعرف بماذا يجيب.. كانت هي الاخرى صامته لكنها
 عقدت حاجبيها وهي تستمع لتلك الضوضاء فهمست: ايه الدوشة دي

عمر: انا لازم اقفل دلوقتي

تنهد ضحى قائلة: خد بالك من نفسك.. سلام

هاتف بسرعة: ضحى.. انا انا اسف.. سامحيني..



دار حكاوى الكتب

FB.HAKAWELKOTOB.COM

الخاتمة

اغلق عمر الخط واغمض عينيه بآلم وهمس: سامحيني.. مش هقدر
اكون في مكان انتي فيه

فتح عينيه واكمل طريقه بداخل المطار وينهي الاجراءات وبعد دقائق
كانت الطائرة تحلق في السماء متجهه لدولة الامارات.. تحمل فيها
قلوباً مثقلة بالهموم والآلام ولا تدري متى تنتهي..

عقدت حاجبيها وهمست: اسف على ايه

كان قد اغلق الخط.. ظلت تهتف باسمه عدة مرات.. حاولت ان
تهاتفه مراراً لكن هاتفه مغلق.. زفرت بضيق وهي تقول: رد بقى يا
عمر رد



دار حكاوى الكتب

FB.HAKAWELKOTOB.COM

جاء صوت ادهم من خلفها قائلاً بغموض: مش هيرد

التفتت لادهم الذي كان واقفاً بجانب باب الغرفة.. كان ينظر اليها بهدوء.. لكنه هدوء ما يسبق العاصفة.. ابتلعت ضحى ريقها وهي تهمس: خالو!

اقترب منها ادهم حتى اصبح امامها مباشرةً وقال: عارفة هو فين دلوقتي؟

عقدت حاجبيها وهي تتنفس بسرعة وهزت رأسها بالرفض فقال: سافر.. وسابك

اتسعت عيناها بصدمه وهي تهز رأسها بعدم تصديق وهي تهمس: لا

اكمل ادهم بقسوة: سابك عشان شايفينك مش من مستواهم..

همست ودموعها تنهمر على وجنتها: لا مستحيل

صاح ادهم قائلاً: هو ده اللي حصل.. سابك عشان امه شايفاي اقل



دار حكاوي الكتب

FB.HAKAWELKOTOB.COM

منهم..عشان بنت سواق

تجمدت في مكانها وتحجرت الدموع في عينيها وهي تنظر لادهم
 بعدم تصديق..هو على حق..كيف لها ان تحلم برجل مثل عمر..فهي
 ابنة السائق ,جاءت عبير على صوت صراخ ادهم وايضاً حبيبة..كانا
 يتابعونهم بصمت..انسابت دموع عبير على ضحى التي تجمدت في
 مكانها وهي تنظر لادهم بآلم..اخفض رأسه لأم نفسه على ما قال..هو
 لم يريد ان يجرحها..لكنه يريد ان تفيق من ذلك الوهم..فعمر تركها
 دون حتى ان يبرر لها موقفه ,رفع رأسه لينظر لعينيها..تحولت نظرتها
 لآلم..تحطمت من جديد ولن تصمد كثيراً هو يعلم ذلك..اما هي
 فكانت تشعر بآلم لا يطاق في قلبها..لم تعد تتحمل الآلم..شعرت
 بالكون يظلم من حولها..تهاوى جسدها واطلمت الرؤية امام عينيها
 واخر شئ سمعته هتافه باسمها قبل ان تسقط في الظلام التام...



دار حكاوى الكتب

FB.HAKAWELKOTOB.COM

اعتدلت في جلستها وهي تمحي تلك الدمعة الخائنة التي انسابت على وجنتها.. عادت لواقعها.. كم مر منذ تركها.. ثلاث سنوات مروا منذ ذلك اليوم.. وهاهي تعود للآلم من جديد.. جملة واحدة اعادت اليها مشاعر وذكريات كانت تظن انها انتهت منذ زمن.. جملة قالها ادهم وهم يتناولون طعام الغداء "عمر رجع.. هيتجوز ويستقر هنا".. تلك الجملة اعادتها ثلاث سنوات للماضي.. جملة واحدة جعلت جرحها ينزف من جديد.. اغمضت عيناها بآلم وتتذكر كل شئ مر عليهما.. اعترافه بحبه لها.. الوقت الذي لم تقضي مثله في حياتها سوا بجانبه.. حتى تركها.. هي تعلم انه فعل ذلك من اجل والدته ولكن هذا ليس عذراً.. تذكرت كم عانت بعد ذلك اليوم.. مر عليها ثلاثة اشهر منعزلة عن العالم.. عادت لقوقعتها من جديد لكنه تلك المرة قلبها كان محطماً ليس متجمد مثل المرة الاولى.. لكنها لم تياس عادت لحياتها.. انتهت الماجيستر منذ عام ونصف واصبحت معيدة في كلية التمريض بجامعة



القاهرة..وهاهي شارفت على انتهاء رسالة الدكتوراه..كانت تريد ان تثبت لهم ان ابنة السائق اصبحت تعلم اجيال..الممرضة التي كانت تساعد ابنتهم..في تلك الفترة ايضاً ارتدت الحجاب اصبحت اكثر التزاماً عن ذي قبل ولم تقطع علاقتها بياسمين فهي كانت تتواصل معها عن طريق الهاتفف..تزوجت ياسمين من "ادم" الطبيب الذي كان يعالجها..منذ سنة صارحها بحبه لها وتزوجا.فرحت لها كثيراً..ياسمين فتاة بريئة وطيبة للغاية ,اما بالنسبة لعمر كانت تظن انها نسته ولم تعد تحبه..هي لم تكن تفكر فيه كانت دراستها الالهة بالنسبة لها..حتى خالها عادت علاقته طبيعية معه..هي تعلم انه كان يريد لها ان تفيق ليس الا..لم يكن يدري انه يضغط على جرحها ليعود وينزف من جديد..وضعت يدها على قلبها الذي يخفق بآلم وهمست"ليه رجعت لما كنت صدقت نسيك".."انبعث صوت ام كلثوم من الحاسوب ليعيدها لذكريات مر عليها زمن



....

كلموني تاني عنك

فكروني..فكروني

صاحوا نار الشوق في قلبي

وفي عيوني

رجعوني لماضي

بنعيمه وغلاوته وبحلاوته

وبعذابه وبقسوته

وافتكرت فرحت وياك قد ايه

وافتكرت كمان ياروحي

بعدنا ليه..بعدنا ليه



دار حكاوي الكتب

FB.HAKAWELKOTOB.COM

بعد ما صدقت اني قدرت انسى

بعد ما قلبي قدر يسلك ويقسى

جم بهمسه وغيروني

كانوا ليه..ليه

بيفكروني بيفكروني

انسابت دموعها وهي تستمع للكلمات التي تصف حالها..وهي تفكر
لماذا عاد الان..كانت اعتادت على الحياة بدونه فلماذا عاد..كانت
تستغل كل لحظة لتبعده عن تفكيرها وتنساها ولكن ما باليد
حيلة..وهي من ظنت نفسها قد نست كل شئ يخصه..الا ان ذكر
اسمه اعاده لقلبها..اعاده ليسكن كل جزء من روحها..اشتاقت اليه
بشدة..تريد ان تراه ولو للحظة..ان تسمع صوته..تطمئن انه بخير



دار حكاوي الكتب

FB.HAKAWELKOTOB.COM

ولكن هل هو يتذكرها؟.. كيف فهو سيتزوج.. شعرت بالغيرة
تقتلها.. من تلك التي سكنت قلبه بعدها.. هل استطاع ان ينساها
بسهولة

بعدها اتعودت بعدك غصب عني

غصب عني

بعدها نسيت الاماني والتمني

كلمتين.. اتقالوا اتقالوا

شالوا الصبر مني

صاحوا في عنيا حينهم لابتسامك

صاحوا سمعي يود كلمة من كلامك



دار حكاوي الكتب

FB.HAKAWELKOTOB.COM

صاحوا حتى الغير..صاحولي ظنوني

وابتدى قلبي يدوبني باهاته

وابتدى الليل يبقى اطول من ساعاته

...

كانت في حيرة من امرها..هل مازال يحبها ام لا..هي مازالت تحبه بل
تعشقه..تذوب عشقاً به..اخرجت السلسال الذي اهداه لها في عيد
مولدها..ضمته لصدرها..هي لم تخلعه من رقبتها منذ اهداه لها..رغم
انها كانت تريد ان تتخلص من اي ذكرى تربطها به..كانت تشعر
بقلبها ينزف من ألم..انبعث صوت ام كلثوم من جديد

كلموني ثاني عنك



دار حكاوي الكتب

FB.HAKAWELKOTOB.COM

بعد طول حرمانى منك

جرحوا الجرح اللى قرب يبقى ذكرى

سهرونى اعيش فى بكرا وبعد بكرا

.....

اما فى غرفة ادهم..اقتربت عبير من زوجها الذى كان شاردًا..جلست

بجانبه وربت على يده قائلة:انت ليه قولتلى انه رجع

تنهد ادهم قائلاً:كنت عايز اعرف رد فعلها وزى ما توقعت بظبط

عبير:كنت فاكرها نسيته؟

ادهم:كان نفسى تكون نسيته بس للأسف واضح انها كانت بتوهم

نفسها بكدة



دار حكاوى الكتب

FB.HAKAWELKOTOB.COM

تنهدت عبر قائلة بحزن:والله صعبانه عليا..مش بتلحق تفرح ,انت
ناوي على ايه؟

هز ادهم كتفيه قائلاً:معرفش ,اكيد هتنسى مفيش حل غير كدة

عبر بشروء:ياريت

لا يصدق انه عاد..اخيراً وبعد طول انتظار اعاده الحنين..والشوق
للنظر لبحر عينيها..لم يكن يريد ان يعود لكن قلبه كان يتحكم
به..على الاقل سيراها..تمدد على الفراش بغرفته وهي يفكر..هل
مازالت تحبه ام لا..هل ستسامحه على ما فعل ام لا..اغمض عينييه
لتظهر صورتها امامه..يا الله كم اشتاق اليها..اشتاق للنظر في
عينيها..اشتاق لخلها لهمستها باسمه..اشتاق لابتسامتها التي كانت



دار حكاوي الكتب

FB.HAKAWELKOTOB.COM

تثير جنونه..سمع طرقات على باب الغرفة وبعدها دخلت
والدته..اعتدل في جلسته لكنه لم ينظر اليها..جلست على الفراش
بجانبه وقالت بحزن:كدة يا عمر تيجي ومتسلمش على امك

اشاح بوجهه ولم يعقب..مدت يدها لتمسك يده وهمست:يا عمر
انت بتعمل معايا كدة ليه؟..مش كفاية 3 سنين مش بترضى تكلمني
هونت عليك

نهض عمر من على الفراش ونظر اليها قائلاً:وانا هونت عليك..خلتيني
متجوزش البنت الوحيدة الي حبتها..كسرتها وسبتها بسببك وجاية
بتسألي بعمل كدة ليه!!

هالة:انا كنت عايزة مصلحتك

زفر عمر بضيق قائلاً:بعد اذنك عايز اقعد لوحدي

اقتربت منه هالة قائلة بتوسل:اتجوزها يا عمر انا موافقة بس عشان



خاطري متبعدينش عنك

ابتسم بسخرية قائلاً: بعد ايه!!..ارجوكي سبيني لوحدي

نظرت اليه بحزن ثم غادرت الغرفة ليجلس عمر ويقرر انه لن يتركها

بعد الان

بعد مرور اسبوع

انهت محاضرتها بالجامعة..ذهبت للمرآب لتستقل سيارتها..كان من المفترض ان تقابل استاذها ليرى ما انهته من رسالتها لكنها اعتذرت له..عقلها كان منشغل فلم تستطيع ان تركز في شئ..حتى انها انهت المحاضرة مبكراً..كان تعاني من آلم في رأسها..انطلقت بسيارتها



دار حكاوى الكتب

FB.HAKAWELKOTOB.COM

وخرجت من بوابة الجامعة..كانت شاردة تفكر في عمر..منذ ان علمت انه عاد ولم يخرج من تفكيرها..حتى ان حاولت ان تنام صورته تظهر امامها كلما اغمضت عينيها..لم تنتبه من شرودها الا عندما رأت سيارة تقطع عليها الطريق..اوقفت السيارة بسرعة فاصدرت صوتاً عالياً..اتسعت عيناها بدهشه وهي ترى سائق السيارة التي توقفت امامها..قلبها يخفق بعنف..هو لقد رآته..لم يتغير مطلقاً..همست رغماً عنها:عمر!!

ترجل من سيارته ليقف امام سيارتها..هزت رأسها لتستجمع شجاعته..ابتلعت ريقها بتوتر وترجلت من سيارتها..اقترب منها حتى اصبح امامها مباشرة..تغيرت كثيراً..كانت جميلة والحجاب زادها جمالاً..وعينيها كانتا جميلتان لكن بهما حزن وآلم حاولت ان تخفيهما لكن كيف لا يعرف انها تتآلم..لكنها كانت تنظر اليه بتلك القوه التي واجهته بها في اول لقاء لهما..همس بصوت مليئ بالاشتياق:ازيك



ياضحى

رمشت بعينها عدة مرات وقالت بثبات: كويسة ازيك انت؟

ابتلع عمر ريقه قائلاً: الحمد لله.. مبروك الحجاب

ضحى بجمود: شكراً

صمتا قليلاً وهما يتبادلا النظرات كان هو ينظر لها باشتياق ممزوج

باعتذار.. اما هي فكانت تنظر له بجمود عكس ما بداخلها من نيران

لو اخرجتها لاحرقت الاخضر واليابس.. اشاحت بوجهها بعيداً عنه

فهتف: تعالى نقعد في اي مكان ونتكلم

انتفضت وهي تهز رأسها بالرفض قائلة: لا مش فاضية

هتف وهو ينظر اليها بتوسل: ارجوكي محتاج اتكلم معاكي شوية

تنهدت وهي تنظر في الناحية الاخرى وهي تفكر هل تذهب ام

لا.. عندما سمعت نبرة التوسل في صوته زفرت بضيق وهمست: اووكي



دار حكاوى الكتب

FB.HAKAWELKOTOB.COM

ابتسمت وهو يتنهد بارتياح وقال: اركبي عربيتي وهركن عربيتك
وابقى اوصلك

اومات بدون ان تعقب واستقلت سيارته وتركته ليصف سيارتها..

....

بعد فترة كانا يجلسان في نفس المكان الذي كانا يقابلان فيه.. كانت
تحقق في النيل بشروء.. كان يتأملها كعادته.. كانت تبدو حزينة.. متألّمة
لكنها تخفي ذلك خلف قناع الجمود الذي ترتديه.. نظرت اليه فجأة
وقالت: عايز ايه؟

عمر: تشربي ايه الاول

ضحى بجمود: مش عايزة اشرب , ممكن تقولي عايز ايه عشان هتأخر

تردد عمر قليلاً ثم قال بخفوت: اسف

ارتسمت على شفيتها ابتسامة ساخرة وقالت: والله!! طيب وبعدين؟



دار حكاوى الكتب

FB.HAKAWELKOTOB.COM

تنهد عمر قائلاً: انا عارف اني جرحتك بس صدقيني كان غضب عني
 ,امي خيرتني بينها وبينك ,عارفه يعني ايه تبقى غضابنه عليا
 ,مكنتش هقدر اقولك مكنتش هقدر اسيبك ,عشان انا بحبك ,بحبك
 اوي وعمر مافي واحده قدرت تدخل قلبي غيرك ,انا كنت يموت وانا
 بعيد عنك عشان خاطري سامحيني

ابتسمت بحزن قائلة: مش قادرة الومك ,ولا قادرة اسامحك
 نهضت واخذت حقيبتها ثم نظرت اليه قائلة: انساني يا عمر
 لم تعطيه فرصة للرد وغادرت مسرعة وتركته ينظر لاثرها بحزن وآلم
 ,وندم..

منذ ان عادت للمنزل وهي بغرفتها لم تخرج..رفضت ان تتناول
 الغداء معهم..لم تستطيع ان تحبس دموعها منذ ثلاث سنوات وهي



دار حكاوي الكتب

FB.HAKAWELKOTOB.COM

تحبسها حتى لا تضعف..وهاهي تضعف من جديد..دفنت وجهها في
وسادتها لتكتم صوت بكاءها كانت تشهق بآلم لا تستطيع ان تتحمل
المزيد من الآلام..يكفي ما حدث لها..سمعت طرق على الباب فمحت
دموعها بسرعة وهي تنظر لادهم الذي ابتسم وجلس بجانبها على
الفراش ,عقد حاجبيه قائلاً:انتي بتعيطي؟

هزت رأسها وهي ترسم ابتسامة زائفة على شفتيها قائلة:لا لا
تنهد ادهم بعدم اقتناع وقال:طيب كنت عايزك في موضوع كدة
همست بدون اهتمام:موضوع ايه

ادهم:امير ابن خالتك طلب ايدك مني

اتسعت عيناها بدهشه وهمست:يتجوزني انا!!

اوماً ادهم قائلاً:ايوا وطلب مني لو وافقتي نعمل الفرحة على طول
من غير خطوبة



عقدت حاجبيها وهي تفكر بتعجب..امير يريد ان يتزوجها هي؟ هو
لا يطيقها ولا حتى هي ما الذي جد في الامر..للحظة فكرت ولما لا؟
امير رغم انه سمج مثل والده لكنه مهندس محترم ومناسب..تذكرت
عمر فحسنت قرارها ونظرت لادهم قائلة:وانا موافقة
كانت الصدمة من نصيب ادهم هذه المرة..هتف بعدم تصديق:انتي
بتهزري صح؟

ضحى:لا مش بهزر

ادهم بدهشه:يعني انتي موافقة على امير؟

ضحى:ايوا يا خالو

تنهد ادهم قائلاً:طيب هبلغه عشان نحدد معاد للفرح..

بعد مرور يومين



دار حكاوي الكتب

FB.HAKAWELKOTOB.COM

اتفق ادهم مع والد امير على ميعاد الزفاف وقراروا ان يكون عقد
القرآن بعد اسبوع والزفاف بعد اسبوعين ..والذي اثار دهشتهم
جميعاً ان ضحى لم تعترض مع انهم يعلمون انها تكرهم بشده..في
ذلك اليوم كانت تغادر بوابة الجامعة حتى وجدته امامها..كادت ان
تذهب لكنه قبض على معصمها قائلاً:استني عشان خاطري

ابعدت يده بحده قائلة:متلمسنيش

اغمض عينيه وهو يمسح وجهه بكفيه قائلاً:طيب ممكن نتكلم

كتفت ذراعيها قائلة ببرود:نتكلم في ايه؟عايز ايه؟

عمر:عايز اتجوزك

ابتسم بسخرية قائلة:كان على عيني جيت متأخر

عقد حاجبيه قائلاً:يعني ايه؟



دار حكاوي الكتب

FB.HAKAWELKOTOB.COM

ضحى بجمود:يعني انا فرحي بعد اسبوعين ياريت تبعد عني

اتسعت عيناها بصدمة ممزوجة بغضب وهتف:مستحيل..انتي ملكي

محدث هياخدك مني انتي فاهمه

كادت دموعها ان تخونها وتسقط لكنها تماسكت وهتفت ببرود:اعلى

ما في خيلك اركبه

ثم استدارت مسرعة لتستقل سيارتها وتنطلق باقصى سرعة

....

عاد من عمله منذ قليل..كان يجلس على الارىكة يداعب شعر صغيرته

التي غفت بين ذراعيه..وزوجته تجلس بجانبه ويشاهدان

التلفاز..سمعوا رنين الجرس فهتفت زوجته قائلة:مين الي هييجي

دلوقتي انت مستني حد يا حسين

هز رأسه بالنفي وهو ينهض قائلاً:لا هروح اشوف مين



دار حكاوى الكتب

FB.HAKAWELKOTOB.COM

اتجه للباب وفتحه..ليجد ضحى تقف امامه والدموع تغرق
وجهها..عقدت حاجبيه بقلق قائلاً:ضحى

اقتربت منه بسرعة ودفنت وجهها بصدرة وظلت تبكي بشده..احاطها
بذراعيه وضمها بقوة وهو يهمس:اهدي

اغلق باب المنزل ودخلا غرفة المعيشة..عقدت مي حاجبيها وهي ترى
حسين يضمها وهي تبكي بهذا الشكل..جلس حسين وجلست ضحى
بجانبه وهي مازالت بين احضانه..اشار لزوجته لتصمت وقال:مي
قومي اعمليلها حاجة تشربها

اومات مي وخرجت من الغرفة اما حسين فابعدها عنه ونظر اليها
قائلاً:مالك بس ايه الي حصل؟

همست ضحى بصوت مختنق:رجع ثاني

تنهد حسين قائلاً:عرفت..انتي لسه بتحبيه؟



ضحى: بحبه اوي..

حسين: امال ليه وافقتي تتجوزي امير

ضحى: مش قادرة اسامحه.. مش قادرة انسى انه اتخلى عني

حسين: ضحى انتي فاهمه انتي بتعملي في نفسك ايه؟ انتي كتب
كتابك بعد اسبوع..

اومات قائلة: وده قراري ومش هرجع فيه

حسين: خلاص براحتك بس افتكري اني حذرتك

مرت الايام عليها بصعوبة.. كانت ملامحها تبهت يوماً بعد يوم.. لا
تصدق انها ستتزوج غيره.. لكنها هي من اختارت ويجب ان تتحمل
نتيجة اختيارها.. حتى جاء يوم عقد القرآن.. قراروا ان يقيموه في منزل
ادهم ولم يحضر غير جدتها وادهم وزوجته وابنته وامير ووالديه



دار حكاوي الكتب

FB.HAKAWELKOTOB.COM

وحسين ووالديه وشقيقته حلا وزوجته مي..ارتدت ضحى فستاناً رقيقاً
وحجابها وجلست بجانب عبير في ساحة المنزل..حضر المأزون وكاد ان
يبدأ لكنه توقف عندما نهض امير ونظر اليهم قائلاً:مش هتجوز

اتسعت عيناهاهم بدهشه وتجمدت ضحى في مكانها وهي تنظر اليه
بصدمة فاكمل قائلاً:عايزين تكتبوا الكتاب من غير العريس طب
تيجي ازاي

كانت ضحى تنظر اليه بدهشه ولم تفهم شئ..اتجه الى باب المنزل
وفتحه ليدلف عمر وعائلته..نظر امير اليهم قائلاً:العريس وصل
هتفت ماجدة بتعجب:انا مش فاهمه حاجة

امير:مش مهم..يالالا عريس

جلس عمر بجانب المأزون وضحى تنظر اليهم بصدمة للحظة لم
تستطيع ان تتحدث وهي تنظر اليهم جميعاً بتعجب وقلبها يخفق



بعنف..كان عمر يختلس لها النظر بابتسامة..حتى عبير كانت
مبتسمة..انهى المأزون عقد القرآن وقال:زواج مبارك..بارك الله لكما
وبارك عليكما وجمع بينكما في الخير

خرج المأزون من المنزل في تلك اللحظة نهضت ضحى وهي تهتف:هو
ايه الي بيحصل؟

اقترب منها عمر قائلاً بابتسامة:اتجوزنا

ضغطت على اسنانها ونظرت لخالها وقالت:فهمني

تدخل امير قائلاً:انا هفهمك..انتي بتحبي عمر وعمر بيحبك يبقى
نعمل ايه نجوزكم

رفعت حاجبيها ببلايه فاكمل امير:هبسطها لك..كل الي حصل ده كان
فيلم عملناه انا وخالك وعمر وحسين عشان تتجوزي عمر..كلهم كانوا
عارفين ماعدا امي



ضغطت ماجدة على اسنانها بغيظ اما ضحى فنظرت لادهم بعدم
تصديق..ركضت لغرفتها كاد عمر ان يذهب وراءها ولكن اوقفته
والدته قائلة:استنى يا عمر انا السبب وانا الي هصلح الي عملته

استسلم لرغبتها واخذتها عبر لغرفة ضحى..طرقت هالة الباب
ودخلت..كانت ضحى تجلس على فراشها ودموعها تسقط على
وجنتيها..اغلقت الباب وجلست بجانبها على الفراش وقالت:انا عارفه
انك مش طايقاني عشان الي حصل..

همست ضحى بصوت مختنق:حضرتك عايزة ايه؟

هالة باسف:عايزة اقولك اسفه..انا اسفه على الي عملته انا
السبب..عمر بيحبك صدقيني

ضحى بدموع:مش حضرتك شايفه اني مش مستواكم بتقولي الكلام ده
ليه



قالت هالة وقد امتلأت عيناها بالدموع: انا فعلاً قلت كدة وفوقت
بس متأخر اوي.. حطيت بنتي مكانك وفكرت فيها.. الي كان مستوانا
سابها في اكر وقت احتاجتله فيه.. سامحيني يا ضحى ارجوكي

همست ضحى: مسامحكي

ابتسمت هالة قائلة بسعادة: يعني مش هتسيبي عمر

هزت رأسها قائلة: مقدرش انا بحبه

سمعت صوته بجانب الباب قائلاً: وانا كمان على فكرة

اشاحت ضحى بوجهها واحمرت وجنتيها خجلاً.. ضحكت هالة

واقتربت من ابنها وعانقته قائلة: الف مبروك يا حبيبي

عمر بابتسامة: الله يبارك فيكي يا ماما

خرجت هالة من الغرفة فاقترب منها وقال: كنتي عايزة تتجوزي

غيري.. يوم مش فايت



نظرت اليه بابتسامة فامسكها من كتفيها لتنهض..ضمها ل صدره بقوه
وهو يهمس:ياااه يا ضحى مش مصدق نفسي..انا بحبك اوي

ابتعدت عنه قائلة:وانا كمان بحبك بحبك اوي..اوعى تسيبني تاني

اسند جبهته على جبهتها وهمس:عمري ما هسيبك انا هموت لو
سبتك

ضحى:بعد الشر عنك..

ابتسم عمر قائلاً:ربنا ما يرحمني منك ابدأ يا اجمل حاجة حصلتلي في
دنيتي

.....

مر اسبوع وجاء يوم الزفاف..كان ضحى مثل املاك في فستانها الابيض
بجانب عمر الذي كان وسيماً لدرجة كبيرة..اقيم الزفاف في احدى



دار حكاوى الكتب

FB.HAKAWELKOTOB.COM

الفنادق الكبيرة.. وفاجأهم امير بعقد قرآنه على حلا ابنة خالته التي
 كادت ان يغشى عليها من فرط السعادة.. وهذه حكايتهم.. تصالحت
 ضحى مع الحياة واصبحت اكثر اشراقاً.. فهي بجانب حبيبها
 الوحيد.. ومر عام وانجبت ضحى طفلة صغيرة تشبهها لحد
 كبير.. وعاشت حياتها في سعادة التي افتقدتها وها هي تعود من
 جديد...

(النهاية :)

والى لقاء قريب

نهلة مجدي



دار حكاوى الكتب

FB.HAKAWELKOTOB.COM

اقراء المزید علی

www.hakawelkotob.com



دار حكاوی الكتب

FB.HAKAWELKOTOB.COM